



戰國策正解

三

リ 8
211
3



14
211
3

戰國策正解卷四上

橫田惟孝著

齊上

威王 凡六章

濮上之事。贅子死。章子走。

濮水名。事役也。據下文梁氏不敢過宋伐齊。蓋與魏

戰也。贅未詳其氏。章匡章皆齊將也。盼子謂齊王曰。不如易餘糧於宋。

宋王必說。梁氏不敢過宋伐齊。齊固弱。是以餘糧收

宋也。說音悅。○盼田盼亦齊將也。齊軍失利不能收。盡兵糧乃以與宋。取其懼心。如相貿易也。魏知

宋悅齊則恐其要擊故不敢過宋伐齊收宋齊國復即取其懼心也所謂易也據下文固疑國訛齊國復

強雖復責之宋可不償。因以為辭而攻之亦可。復扶又反



戰國策正解卷四上 齊上 威王 凡六章 橫田惟孝著

○責、責其償也

考異

坊本無而字

邯鄲之難。趙求救於齊。難乃且反。○魏圍邯鄲故求救。田侯召大臣

而謀曰。救趙孰與勿救。鄒子曰。不如勿救。齊田氏故曰田侯。鄒

子名段干綸曰。弗救則我不利。田侯曰。何哉。問所以

夫魏氏兼邯鄲。其於齊何利哉。夫音扶。下同。○言非齊之利。此綸之言。

田侯曰。善。乃起兵甲軍於邯鄲之郊。軍屯也。段干綸曰。

臣之求利且不利者。非此也。且將也。言臣之求利與將不利。非軍於邯鄲之

謂也。夫救邯鄲軍於其郊。是趙不拔而魏全也。趙得

強。故不拔。魏恐齊而不攻。故全。故不如南攻襄陵以弊魏。邯鄲拔而

承魏之弊。是趙破而魏弱也。襄陵。魏邑。弊。疲也。承。猶乘也。攻襄陵。名救趙而

實疲魏也。魏救襄陵。拔邯鄲必疲。而齊乘其弊。田侯曰。善。乃起兵南攻襄陵。

七月邯鄲拔齊。因承魏之弊。大破之。桂陵。桂陵。魏邑。

考異

坊本弗作勿。何哉下有對曰。二字一本無。何利之利字。

秦假道韓魏以攻齊。齊威王使章子將而應之。與秦

交和而舍。將子匠反。下除將軍餘皆同。○鮑彪曰。孫子兩軍相對曰。交和。楚記注。軍門曰和。愚

按孫子軍爭篇曰。將受命於君。合軍聚衆。交和而舍。使者數相往來。章子為變

其徽章。以雜秦軍。使所吏反。數。色角反。為于偽反。徽。通。○徽。幟也。章。其文章也。變。之

使下與秦徽章。同。欲以襲秦。候者言章子以齊入秦。威王不應。頃之

間。候者復言章子以齊兵降秦。威王不應。而此者三。

後周國雍

卷四

後周國雍

復扶又反降戶江反○候者齊之偵者上齊下恐脫兵字而如也

有司請曰言章子

之敗者異入而同辭王何不發將而擊之王曰此不

叛寡人明矣曷為擊之頃間言齊兵大勝秦軍大敗

於是秦王稱西藩之臣而謝於齊藩音蕃○謝攻齊之罪也左右

曰何以知之曰章子之母啓得罪其父其父殺之而

埋馬棧之下棧牀也吾使章子將也勉之曰夫子之

強全兵而還必夏葬將軍之母對曰臣非不能夏葬

先妾也臣之母啓得罪臣之父臣之父未教而死夫

不得父之教而夏葬母是欺死父也故不敢更音庚夫不之

欺生君哉此其所知不以夫音扶下同○未教謂未命改葬也夫為人子而不欺死父豈為人臣

此其所知不以

考異

幕無頃之間之問字坊本發作廢曷為下有而字秦軍作秦兵高本稱作拜吾使下有者

字一本本吾下有之字

楚將伐齊魯親之齊王患之魯親楚故張丐曰臣請

令魯中立令力呈反○言使下立於兩國之間無所親疎乃為齊見魯君魯

君曰齊王懼乎曰非臣所知也臣來弔足下魯君曰

何弔乎曰君之謀過矣君不與勝者而與不勝者何

故也為于偽反○不待勝者而與而始偏與楚則楚不勝而亦與之是不與勝者而與不勝者也是

其所也魯君曰予以齊楚為孰勝哉對曰鬼且不知

也然則子何以弔寡人曰齊楚之權敵也不用有魯

與無魯。足下豈如全眾而合二國之後哉。言二國權

以有魯與無魯為強弱，不如中立全眾，而二國戰後，合於勝者，楚大勝齊，其良士選

卒必殪。其餘兵足以待天下。齊為勝，其良士選卒亦

殪。而君以魯眾合戰勝後，此其為德也亦大矣。其見

恩德也亦甚大矣。殪死也，為勝之為若也，言楚勝齊，則其良選必殪，餘兵不足以待天

下其勢甚危矣，齊若勝楚亦然，而魯以其眾合勝者，助其危，其為德也亦大矣，為勝者見恩德也亦甚大

矣。魯君以為然，乃退師。不復親

考異 高本無弔下乎字，全作令，無恩德下也字，甚作其。

成侯鄒忌為齊相，田忌為將，不相說。公孫開謂鄒忌

曰：公何不為王謀伐魏？勝則是君之謀也，君可以有

功。戰不勝，田忌不進戰而不死，曲撓而誅。相息亮反，將子匠反。

說音悅，為王之為于偽反，下為人同。○戰而不死，謂雖戰而軍敗不死也，言不進不死，以屈撓而坐誅也。

鄒忌以為然，乃說王而使田忌伐魏。田忌三戰三勝。

鄒忌以告公孫開，公孫開乃使人操十金而往卜於

市。曰：我田忌之人也，吾三戰而三勝，聲威天下，欲為

大事，亦吉否。說始銳反，操七刀反。○聲威天下，謂反也。卜者

出，因令人捕為人卜者，亦驗其辭於王前。田忌遂走。

令力呈反。○卜者，開所使者，為人卜者，卜師也，關君長曰見捕者已述，忌之辭，而卜師亦為其徵驗。徐字

遠曰：威王明主，而見欺于鄒忌者，其功名已立，不如昔年見陵之時，故前明而後暗也。

考異 一本無亦字。

後形圖

鄒忌修八尺有餘。而身體昞麗。

有音又。○高誘曰：修長，昞讀曰逸，美好也。

朝服衣冠，窺鏡謂其妻曰：我孰與城北徐公美？其妻

曰：君美甚，徐公何能及君也。城北徐公，齊國之美麗

者也。忌不自信，而復問其妾曰：吾孰與徐公美？妾曰：

徐公何能及君也。且日客從外來，與坐談，問之曰：吾

與徐公孰美？客曰：徐公不若君之美也。

朝直遙反，下除市朝，餘皆

同，復扶又反。且日，明日也。

○明日徐公來，孰視之，自以為不如。窺

鏡而自視，又弗如遠甚。暮寢而思之曰：吾妻之美我

者，私我也；妾之美我者，畏我也；客之美我者，欲有求

於我也。

孰，熟同。○思之，思下妻妾客所以美我之故。

於是入朝見威王曰：臣

誠知不如徐公美。臣之妻私臣，臣之妾畏臣，臣之客

欲有求於臣，皆以美於徐公。今齊地方千里，百二十

城，宮婦左右，莫不私王；朝廷之臣，莫不畏王；四境之

內，莫不有求於王。由此觀之，王之蔽甚矣。

高誘曰：下人蔽王甚矣。

王曰：善。乃下令：群臣吏民，能面刺寡人之過者，受

上賞；上書諫寡人者，受中賞；能謗譏於市朝，聞寡人

之身者，受下賞。

上書之上時掌反。○市朝，猶市井也。朝，朝暮之朝，而非朝廷之朝也。古者

民朝聚井汲水，因將貨物於井邊貨賣，故曰市朝。亦曰市井，而遂為貿易處之通稱也。閱王策曰：市朝則滿夕則虛，非朝愛市而夕憎之也。求存故往，亡故去。說林訓曰：朝之市則走，夕過市則步。所求者亡也。可

以見市以朝為期矣。其殺入陳尸於市朝者，與眾共棄之。且汎示眾也。左傳殺三郤，皆尸諸朝，自暴政所

後周園痛

五

後周園痛

為不可以證焉。孟嘗君傳日暮之後過市朝既為通稱則無妨矣。或曰市之行列有如朝位故曰市朝。或曰市朝乃連類而及之文若躬稼本稷而亦稱禹三過不入本禹而亦稱稷因其一而并言其一恐皆非也。或曰此市朝謂市與朝果然則當曰朝市而不可也。白市朝也。朝市見襄十九年左傳若周禮司市禮記郊特牲朝市謂市也。令初下群臣進諫門庭若市數月之後時時而間進。暮年之後雖欲言無可進者。燕趙韓魏聞之皆朝於齊。此所謂戰勝於朝廷。數色主反燕名倣之不復音。○鮑彪曰坐朝廷之上四國朝之不待兵也。穆文熙曰形貌美惡雖淺近易知然人往往為人所蔽鄰忌不惟自反觀而又能引以告君達矣。

考異

坊本身體作形類高本及君作及公一本無。今從之。一本無之美也。三字又字於是二字威字。劉本誠知作知情一本無能字進諫之諫字諸本。

暮年作暮年
今從一本

宣王

凡十章

南梁之難。韓氏請救於齊。

難乃旦反。○高誘曰南梁韓邑也。大梁在北故曰南

梁也難魏攻之也。

田侯召大臣而謀曰早救之孰與晚救之。

張丐對曰晚救之韓且折而入於魏不如早救之。

折分也言韓將分齊入魏。

田臣思曰不可。夫韓魏之兵未弊而我

救之我代韓而受魏之兵。顧反聽命於韓也。

夫音扶下同。

弊疲也顧亦反也。

且夫魏有破韓之志。韓見且亾必東懇於

齊。我因陰結韓之親而晚承魏之弊。則國可重。利可

得名可尊矣。

懇告也承猶乘也救韓破魏故國重利得名尊。

田侯曰善。乃陰

告韓使者而遣之。使所吏反也。○告告救之也。韓自以專有齊國。五

戰五不勝。東愬於齊。齊因起兵擊魏。大破之。馬陵。猶以

以為也。高誘曰：馬陵，齊邑也。齊殺魏將龐涓，虜魏太子申。魏破韓弱，韓魏之君因

田嬰北面而朝田侯。朝直送反。○韓五戰五不勝，故曰弱。北面，臣位也。

考異坊本無專字，高本無齊國之國字，劉本無田嬰二字。

田忌為齊將，係梁太子申，禽龐涓。孫子謂田忌曰：將

軍可以為大事乎。齊將之將子匠反。○孫子名臆，武之孫，為田忌軍帥。大事，謂舉兵正

事。田忌曰：奈何？孫子曰：將軍無解兵而入齊，使彼

罷弊於老弱，守於主。罷音疲。○彼，謂田忌所帥之卒。主，上於字，恐衍。主，齊地，險隘處。

者，循軼之途也。鏃擊摩車而相過，使彼罷弊老弱，守

於主，必一而當十，十而當百，百而當千。軼同，鏃同，鏃，車軌也。鏃，車軸端鍵也。摩切也。開君長曰：險隘不可方軌，乃後車循前車行跡。鏃擊摩車，互言也。地險路狹，車

鏃觸物相擊且切，非謂兩車也。相過，謂相從而過。愚按或云：摩車倒非也。古文有如此者。齊俗訓今之國

都男女七切。騎肩摩於道後。漢羊續傳：車馬羸敗是也。然後背太山，左濟，右天唐。

軍重踵高宛，輕車銳騎衝雍門。若是，則齊君可正而

成侯可走。不然，則將軍不得入於齊矣。濟子禮反。重直用反。宛，於

表反。騎，奇寄反。雍，於用反。○天唐，高宛，皆地名。雍門，齊西門名也。開君長曰：軍當作車，車重即輜重。愚謂

踵至，衝突也。田忌不聽，果不入齊。師道曰：使田忌無

間於齊，孫子曷為而有此言。必公孫開成侯讒構之時也。

考異諸本老皆作先，今從曾本。

後周國策

後周國策

後周國策

田忌亡齊而之楚。鄒忌代之相齊。恐田忌欲以楚權

復於齊。相息亮反。○吳師道曰：前云鄒忌為相，田忌為將，田忌走，此云代之相，恐有差誤。愚謂代

之相，齊四杜赫曰：臣請為君留之楚。為于偽反。○言

於楚，不謂楚王曰：鄒忌所以不善楚者，恐田忌之以

楚權復於齊也。王不如封田忌於江南，以示田忌之

不返齊也。鄒忌以齊厚事楚，田忌亡人也，而得封，必

德王。若復於齊，必以齊事楚。此用二忌之道也。高誘曰：田

忌後日若得還齊，亦必以重楚果封之於江南。

鄒忌事宜王。仕人眾，宣王不說。晏首賢而仕人寡，王

說之。說音悅。○仕人，謂所進而使仕之人。今鄒忌謂宣

王曰：忌聞以為有一子之孝，不如有五子之孝。今首

之所進仕者，亦幾何人矣。以為二字，恐衍。是以父子

首之人，而王悅之也。宣王因以晏首壅塞之。塞先北

猶以為為也。言王因以為晏首蔽塞仕者而不進也。

考異：諸本亦幾何人矣，作以幾何人，今從一本。

楚威王戰勝於徐州，欲逐嬰子於齊。嬰子恐。恐丘勇

誘曰：徐州，或作舒州，是時屬齊。嬰子，張丑謂楚王曰：

王戰勝於徐州也。盼子不用也。不用於齊盼子有功

於國，百姓為之用。嬰子不善而用申縛。申縛者，大臣

戰國策卷四十一 後周國策

與百姓弗為用故王勝之也。為于偽反。○高誘曰：嬰用申縛，大臣與百姓不為申縛，致力盡用也。今嬰子逐，盼子必用，復整其

士卒以與王遇，必不復於王也。楚王因弗逐。復扶又反。

考異

一本國下有而字，坊本臣下有弗字，一本同，今嬰子逐，曾本作今王逐，嬰子矣。

權之難，齊燕戰。難乃且反。○鮑彪曰：權楚地，蓋燕自北進，齊自東進，而戰于楚境也。秦

使魏冉之趙，出兵助燕擊齊。薛公使魏處之，趙謂李

向曰：君助燕擊齊，齊必急急，必以地和於燕，而身與

趙戰矣。向許丈反。○李向趙用事者，身田嬰自謂也。然則是君自為燕束

兵，為燕取地也。為于偽反，下同。○束猶斂也，燕取齊地，和而斂兵不戰，是趙自為燕斂兵也。

故為君計者，不如按兵勿出，齊必緩緩，必復與

燕戰而勝，兵罷弊，趙可取唐曲逆。復扶又反，罷音曲逆，是時並屬燕，愚謂燕敗齊疲，趙可乘其虛取燕地。戰而不勝，命懸於趙，然

則吾中立而割窮齊與疲燕也，兩國之權歸於君矣。

命懸於趙，言齊不勝，則必從趙而聽命，為趙所制也。吾恐君字訛，中立謂不為齊且燕也，齊敗而窮，故曰窮齊，燕勝而疲，故曰疲燕，言齊窮燕疲，交欲得趙，趙中立而割取兩國之地也。穆文熙曰：以兵助燕，則我為敵國，中立勿出，則執兩國之權，利害豁然，令人警動。

考異

坊本歸作懸

蘇秦為趙合從。為于偽反，下為大同，從子容反。○趙南北從列，故合六國曰合從。說齊宣王曰：齊南有太山，東有琅邪，

西有清河北，有渤海，此所謂四塞之國也。說始銳反，耶音耶，塞

後周隱帝

後周隱帝

後周隱帝

後周隱帝

後周隱帝

後周隱帝

後周隱帝

後周隱帝

先代及○琅邪邑名齊地方二千里帶甲數十萬粟

如丘山齊車之良五家之兵疾如錐矢戰如雷電解

如風雨數色主反解音蟹○五家之兵管子之制也

司四里為連連有長十連為鄉鄉有良人三鄉一帥

足也高誘曰錐矢小矢愚按呂子所貴錐矢者為其

應聲而至淮南子疾如錐矢注云錐金鏃箭羽之矢

也蓋矢之輕銳而疾者也此謂進兵之迅疾也如雷

電謂開合出沒之迅疾也即有軍役未嘗倍泰山絕

清河涉渤海也臨淄之中七萬戶臣竊度之下戶三

男子三七二十一萬不待發於遠縣而臨淄之卒固

已二十一萬矣倍音佩下同度待浴反○即猶若也

戶有上下此就其下者臨淄甚富而實其民無不吹

竽鼓瑟擊筑彈琴鬪鷄走犬六博踰鞠者竽似笙三

途車轂擊人肩摩連衽成帷舉袂成幕揮汗成雨家

敦而富志高而揚擊相當摩相切也在旁曰帷在上

夫以大王之賢與齊之強天下不能當今乃西面事

秦竊為大王羞之夫音扶下同○羞耻也且夫韓魏之所以畏

秦者以與秦接界也兵出而相當不至十日而戰勝

存亡之機決矣韓魏戰而勝秦則兵半折四境不守

戰而不勝以亡隨其後是故韓魏之所以重與秦戰

而輕為之臣也重直用反輕率政反○半折謂折今

戰國策正解

卷四上

後周國策

秦攻齊則不然。倍韓魏之地。過衛陽晉之道。徑亢父之險。車不得方軌。馬不得竝行。百人守險。千人不能過也。秦雖欲深入。則狼顧恐韓魏之議其後也。是故恫疑虛喝。高躍而不敢進。則秦不能害齊。亦已明矣。
父音甫。亢音剛。又苦浪反。○陽晉衛地。時屬魏。亢父縣名。兩轍之間曰軌。狼性善顧。故曰狼顧。恫。痛也。獨恐也。言秦自痛疑不敢進兵。虛作恐。夫不深料秦之獨之辭。以脅齊也。高躍。言虛示壯勇。

不奈我何也。而欲西面事秦。是群臣之過計也。今臣無事秦之名。而有強國之實。臣固願大王之少留計。
臣無當從史記作無。臣留計。謂留意計之。

齊王曰。寡人不敏。今主君以趙王之教。詔之敬奉社稷以從。
主君大夫之稱。見左傳。此謂蘇秦也。詔告也。

考異

高本較作聲。坊本惟作韓。夫韓魏下無之字。劉本相當作相攻。過衛高本作至。闌坊本作

至衛。今從一本。坊本獨作喝。亦下無己字。夫不下無深字。過計也。作計過二字。纂固作故。坊本教詔告。作詔告。

淳于髡一日而見七人於宣王。王曰。子來。寡人聞之。千里而一士。是比肩而立。百世而一聖。若隨踵而至也。今子一朝而見七士。則士不亦衆乎。
見賢遍反。下同。比毗志反。

淳于髡曰。不然。
○關君長曰。士曰千里。猶在同時。聖曰百世。必待異代。言其難得之甚。

夫鳥同翼者而聚居。獸同足者而俱行。
夫音扶。下同。言物各以類相

今求柴胡桔梗於沮澤。則累世不得一焉。及之。畢黍梁父之陰。則卸車而載耳。
累力委反。父音甫。○沮澤。漸濕之地。二草

山生而求之漸濕之地故不可得畢黍梁父皆山名
山北曰陰關君長曰却車而載猶言載而車却也列
子曰視舟之覆猶其車却也此却亦可為覆夫物各有疇今髡賢者之疇

也王求士於髡譬若挹水於河而取火於燧也髡將

復見之豈特七士也復扶又反○疇類也挹酌也燧取火之木也

考異一本七八作七士曾本至作生坊本無譬字

齊欲伐魏淳于髡謂齊王曰韓子盧者天下之疾犬

也東郭逡者海內之狡兔也韓子盧逐東郭逡環山

者三騰山者五兔極於前犬廢於後犬兔俱罷各死

其處田父見之無勞勸之苦而擅其功罷疲同○子

氏之狗然則元盧氏所畜後遂以名犬也子亦美稱也後章作俊逡俊魏通用狡兔名也極勞極也史

記淮陰侯傳項王喑啞叱咤千人皆廢孟康曰廢伏也張晏曰偃也此廢同義今齊魏久相

持以頓其兵弊其眾臣恐強秦大楚承其後有田父

之功頓壞也弊疲也齊王懼謝將休士也將子匠反

考異坊本無章末也字

齊欲伐魏魏使人謂淳于髡曰齊欲伐魏能解魏患

唯先生也弊邑有寶璧二雙文馬二駟請致之先生

淳于髡曰諾文馬馬之毛色有駟入說齊王曰楚齊之

仇敵也魏齊之與國也說始銳反○鮑彪曰魏策馬

怒伐齊則此所言也夫伐與國使仇敵制其餘弊名醜而實危

為王弗取也齊王曰善乃不伐魏夫音扶下同為于

後形圖

後形圖

餘弊謂齊伐魏而勞楚乘其弊客謂齊王曰淳于髡言不伐魏者受魏之璧馬也王以謂淳于髡曰聞先生受魏之璧馬有諸曰有之然則先生之為寡人計之何如淳于髡曰伐魏之事不使魏雖刺髡於王何益若誠不使魏雖封髡於王何損便利也伐魏名醜實危故曰不利刺殺也言伐魏之事不利於齊則魏雖殺髡於王無益矣言其伐之不利自若也王若誠不利於齊止而不伐則魏雖封髡於王無損矣言其不伐之利自若也且夫王無伐與國之誹魏無見亾之危百姓無被兵之患髡有璧馬之寶於王何傷乎被皮寄反

考異

劉本誠下無不字曾木無魏雖封之魏字

齊宣王見顏觸曰觸前觸亦曰王前宣王不說觸音

音悅下不說同○前進也林西仲曰因坐遠而進之也左右曰王人君也觸人

臣也王曰觸前觸亦曰王前可乎觸對曰夫觸前為

慕勢王前為趨士與使觸為慕勢不如使王為趨士

夫音扶下除匹夫餘皆同○林西仲曰士慕勢則夫所以為士王趨士則成所以為王便覺彼此兩得

王忿然作色曰王者貴乎士貴乎對曰士貴耳王者

不貴王曰有說乎觸曰有昔者秦攻齊令曰有敢去

柳下季壘五十步而樵採者死不赦令曰有能得齊

王頭者封萬戶侯賜金千鎰由是觀之生王之頭曾

不若死士之壘也魯展禽字季食采柳下死而葬焉蓋柳下是時屬齊也壘冢也樵採

也取薪宣王默然不說左右皆曰觸來觸來大王據千

乘之地而建千石鍾萬石簠天下之士仁義皆來役

處辨智竝進莫不來語東西南北莫敢不來服萬物

無不備具而百姓無不親附乘繩證反下同處昌呂

右簠鍾鼓之相役處言仁者義今夫士之高者乃稱

匹夫徒步而處農畝下則鄙野監門閭里士之賤也

亦甚矣關君長曰徒步鄙賤之稱如所謂段干木徒

居鄙野為閭里監門卒也觸對曰不然觸聞古大禹之時諸侯萬

國何則德厚之道得貴士之力也故舜起農畝出於

野鄙而為天子大音泰下大璞同○德厚之道也及湯之

時諸侯三千當今之世南面稱寡者乃二十四由此

觀之非得失之策與與音餘下除與寡餘皆同○策

失士之策也稍稍誅滅滅亡無族之時欲為監門閭里安

可得而有乎哉是故易傳不云乎居上位未得其實

以喜其為名者必以驕奢為行据慢驕奢則凶必從

之傳直戀反喜許記反下同行下孟反下之行同据

長曰焦竝逸是故無其實而喜其名者削無德而望

其福者約無功而受其祿者辱禍必握故曰矜功不

立虛願不至此皆幸樂其名華而無其實德者也握

為渥高士傳作渥樂五教反○削地削也約窮也握

厚也矜功不立言矜夸其功事不成立虛願不至言

無實無德無功而願望則所願者不至此言失士之責是以堯有九佐舜有七

友禹有五丞湯有三輔此類不可深考必求其人以實之則鑿矣自古及

今而能虛成名於天下者無有是以君王無羞亟問

不愧下學是故成其道德而揚功名於後世者堯舜

禹湯周文王是也亟去冀反○下學學於利故曰無形

者形之君也無端者事之本也夫上見其原下通其

流至聖明學何不吉之有哉碻哲夫曰君猶本無端無始也謂事之未有始

也言有形出於無形有事生於無事也愚謂此言實德為功名之本也原流亦指實德功名言也至聖明

學即堯舜禹湯文王是也不吉即削約辱禍是也言至聖明學者見原通流是以無有不吉也老子

曰雖貴必以賤為本雖高必以下為基是以侯王稱

孤寡不穀是其賤之本與關君長曰之夫孤寡者人

之困賤下位也而侯王以自謂豈非下人而尊貴士

與夫堯傳舜舜傳禹周成王任周公旦而世世稱曰

明主是以明乎士之貴也下遐嫁反宣王曰嗟乎君子焉

可侮哉寡人自取病耳及今聞君子之言乃今聞細

人之行願請為弟子焉於虔反○病猶辱也及當作乃字之誤也王知己亦為小人

之行故自悔矣言而屈服也且顏先生與寡人遊食必太牢出必

乘車妻子衣服麗都牛羊豕具為太牢麗都皆美也林西仲曰奉其身及其妻子欲

自成其為趨士也顏獨辭去曰夫玉生於山制取則破焉非

弗寶貴矣然大璞不完士生乎鄙野推選則祿焉非

後唐書卷四十七

不尊遂也。然而形神不全。觸願得歸。晚食以當肉。安步以當車。無罪以當貴。清淨真正以自處。

虞娛同。虞樂也。林

西仲曰：制，裁割也。謂琢其璞而取之。鮑彪曰：晚食，言饑而食也。其美比於食肉。制言者，王也。

盡忠直言者，觸也。言要道已備矣。願得賜歸，安行而

反臣之邑屋，則再拜而辭去也。

盡津忍反。制言，裁

曰：欲自成其不慕勢也。觸知足矣。歸反璞，則終身不辱也。

歸，謂歸邑也。此記者之辭。

也。反璞，不失其真也。

考異

坊本無上令曰之曰字，無仁義二字，來作爲乎哉作也哉，以喜作而喜，高本山下無必字。

坊本其名下無華字，曾劉本故成間有能字，諸本本與下有非字，今從曾本，諸本願請下有受字，今從劉本，諸本無取字，今從曾本，高本大璞作夫璞，非不下有得字，坊本願得下無歸字，安行下無而

字，辭去下無也。字，觸知上有君。子曰三字，歸下有真字，無也字。

先生王斗造門，而欲見齊宣王。宣王使謁者延入。

到反。謁者，官名，掌賓贊受事，延引也。王斗曰：斗趨見王，爲好勢。王趨

見斗，爲好士。於王何如？使者復還報。王曰：先生徐之。寡人請從。

入者，即謁者也。徐，徐行無趨也。從，謂就之也。宣

王因趨而迎之於門，與入曰：寡人奉先君之宗廟，守

社稷，聞先生直言正諫，不諱。王斗對曰：王聞之過，斗

生於亂世，事亂君，焉敢直言正諫。宣王忿然作色，不

說。焉於虔反，下焉能。有間。王斗曰：昔先君桓公所好

者，五九合諸侯，一匡天下，天子授籍，立爲太伯。今王

有四馬籍蓋謂策所宣王說曰寡人愚陋守齊國唯

恐失抔之馬能有四馬抔猶失墜也王斗曰否先君

好馬王亦好馬先君好狗王亦好狗先君好酒王亦

好酒先君好色王亦好色先君好士王不好士所謂有四

者宣王曰當今之世無士寡人何好王斗曰世無騏

驎駮耳王駟已備矣世無東郭俊盧氏之狗王之走

狗已具矣世無毛嫵西施王宮已充矣王亦不好士

也何患無士騏驎又見襄王策蓋良馬名也駮耳八駿之一俊狗見前毛嫵越王嬖女西施

越女王曰寡人憂國愛民固願得士以治之王斗

曰王之憂國愛民不若王愛尺穀也穀紗也造冠者王曰何

謂也王斗曰王使人為冠不使左右便辟而使工者

何也為能之也今王治齊非左右便辟無使也臣故

曰不如愛尺穀也便辟上婢緜反下音嬖為能之為于偽反○便辟近習嬖幸之人也

宣王謝曰寡人有罪國家於是舉士五人任官齊國

大治治直吏反○失下治國家之道故曰有罪國家

考異高本授作受坊本失作夫無否字高本士王問有是字坊本作而今從劉本劉本耳下有

之馬二字坊本王駟間有之字

齊人見田駢曰聞先生高議設為不官而願為役設

猶假令也言嘗聞駢高議不田駢曰子何聞之猶言

實假令不實而願為駢役使田駢曰何謂

之對曰臣聞之鄰人之女言下鄰女之事而知之田駢曰何謂

也對曰臣鄰人之女設為不嫁行年三十而有七子
不嫁則不嫁然嫁過畢矣言假令不嫁而有七子則與他人嫁者不異可謂嫁

既過矣今先生設為不宦訾養千鍾徒百人宦則然
矣而富過畢也田子辭訾資同○訾養所資所養也鍾六斛四斗徒給使役者言

駢假令不宦而富饒如此則與他人宦
者不異可謂富既過畢矣辭謝之也
考異坊本也田之也作矣

管燕得罪齊王謂其左右曰子孰而與我赴諸侯乎
左右默然莫對林西仲曰既得罪矣非得二人死力以相左右不能達他國管燕連

然流涕曰悲夫士何其易得而難用也夫音扶易以連通○連泣下也林西仲曰言平日在左右急難不得力也田需對曰士三食不

得饜而君驚驚有餘食下宮糝羅紈曳綺縠而士不
得以為緣緣悅絹反○三食朝晝晡也下宮猶後宮純也林西仲曰士尚不知畜且財者君之所輕死者

士之所重君不肯以所輕與士而責士以所重事君
非士易得而難用也林西仲曰驚驚宮人衣食太過皆所不惜可謂輕矣無施而責

報自然不應安得以此錯怪天下士乎
考異一本無孰而之而字

閔王上凡十章

昭陽為楚伐魏覆軍殺將得八城移兵而攻齊為于偽反

下為齊為公同將子匠反下陳軫為齊王使見昭陽同○移伐魏之兵而攻齊也

後周隱公

再拜賀戰勝起而問楚之法覆軍殺將其官爵何也
 昭陽曰官為上柱國爵為上執珪陳軫曰異貴於此
 者何也曰唯令尹耳使所吏反○道應訓注楚爵功
臣賜以圭謂之執圭比附庸之
君異殊也趙策婦人異
甚言獨令尹最貴耳陳軫曰令尹貴矣王非置兩
 令尹也臣竊為公譬可乎言令尹唯一人
而已公指昭陽楚有祠者
 賜其舍人卮酒祠祭也顏師古曰舍人親近左右之
通稱後遂以為私屬官號卮酒器也
 舍人相謂曰數人飲之不足一人飲之有餘請畫地
 為蛇先成者飲酒一人蛇先成引酒且飲之乃左手
 持卮右手畫蛇曰吾能為之足未成一人之蛇成奪
 其卮曰蛇固無足子安能為之足遂飲其酒為蛇足

者終亡其酒數色
主反今君相楚而攻魏破軍殺將得八
 城不弱兵欲攻齊齊畏公甚公以是為名亦足矣猶
蛇
已成官之上非可重也戰無不勝而不知止者身且
 死爵且後歸猶為蛇足也重直用反○重猶加也謂
上柱國之上非可加令尹
言既足成名又官非可加尚戰而不知止者身死
爵將歸後人猶為蛇足者為後成者所奪其卮也昭
 陽以為然解軍而去

考異

坊本王非之王作主諸本乎作也今從
 劉本坊本且飲下無之字高本亦作居

秦攻趙趙令樓緩以五城求講於秦而與之伐齊齊
 王恐因使人以十城求講於秦樓子恐因以上黨二
 十四縣許秦王令力呈反
恐丘勇反趙足之齊謂齊王曰王欲

秦趙之解乎。不如從合於趙。趙必倍秦。倍秦則齊無患矣。解音蟹。從子容反。倍音佩。○解散解也。

考異 坊本倍作背

齊將封田嬰於薛。楚王聞之大怒。將伐齊。齊王有輟志。何孟春曰。齊楚勁敵。封嬰則楚增一敵矣。故怒。碻哲夫曰。怒蓋恐誤。二說或然。輟止也。公孫

開曰。封之成與不。非在齊也。又將在楚。開說楚王。令其欲封公也。又甚於齊。嬰子曰。願委之於子。不音否。說始銳

反。令力。呈反。公孫開為謂楚王曰。魯宋事楚。而齊不事者。齊大而魯宋小。王獨利魯宋之小。不惡齊大。何也。夫

齊之削地而封田嬰。是其所以弱也。願勿止。楚王曰。

善。因不止。為于偽反。惡烏路反。夫音扶。

考異 劉本無為字。無齊下之字。

靖郭君將城薛。客多以諫。靖郭君謂謁者。無為客通。為于偽反。○靖郭。田嬰封邑號。無為客通。言無通欲諫者也。齊人有請者曰。臣請

三言而已矣。益一言。臣請烹。烹。所謂鼎鑊之誅。靖郭君因見之。客趨而進曰。海大魚。因反走。君曰。客有於此。此指海大

魚。言於此。有說。客曰。鄙臣不敢以死為戲。言不以死為戲。故雖有說。不敢陳也。君曰。亡言無誅。對曰。君不聞大魚乎。網不

能止。鈞不能牽。蕩而失水。則螻蟻得意焉。蕩。即播蕩。流移失所。也。得意謂得逞意也。今夫齊亦君之水也。君長有齊。奚以薛為。

夫音扶。○言夫齊雖隆薛之城到於天猶之無益也。
不待城薛也。夫當作失。韓子淮南子並作失。隆高也。君曰善。乃輟城薛。
穆文熙曰。客言不城薛亦

考異

坊木長下無有字。高本有齊下有陰字。

靖郭君謂齊王曰。五官之計不可不日聽也。而數覽。

王曰說

數色角反。○五官謂典事五大夫。曾子問。諸

典事者是也。計會計也。說當作諾。蓋字之誤也。言日
聽五官會計而又數視計簿也。嬰欲收齊之權而先
使王五而厭之。令與靖郭君也。通鑑作已。蓋亦字之誤
王不堪發命與
嬰使聽治也。

考異

高本五而作吾而一本作王曰日說。五官吾厭之。諸本令作今。今從一本。

靖郭君善齊貌辨。齊貌辨之為人也多疵。門人不說。

士尉以証靖郭君。靖郭君不聽。士尉辭而去。

說音悅下同。

疵過失也。証諫也。

孟嘗君又竊以諫。靖郭君大怒曰。剗而類。

破吾家。苟可慊齊貌辨者。吾無辭為之。

孟嘗君。嬰子名文。孟嘗邑。

名也。剗。翦也。而汝也。慊。快也。足也。

於是舍之上舍。令長子御之。旦暮

進食。

令力呈反。長丁丈反。上舍。甲第也。御侍也。

數年。威王薨。宣王立。靖

郭君之交。大不善於宣王。辭而之薛。與齊貌辨俱留。

無幾何。齊貌辨辭而行。請見宣王。靖郭君曰。王之不

說。嬰甚。公往必得死焉。齊貌辨曰。固不求生也。請必

行。靖郭君不能止。齊貌辨行至齊。宣王聞之。藏怒以

待之。齊貌辨見宣王。王曰：子靖郭君之所聽愛夫。齊貌辨曰：愛則有之，聽則無有。數色主反，下同。夫音扶。○愛，愛其身，聽，聽其言。

也。王之方為太子之時，辨謂靖郭君曰：太子相不仁，

過頤豕視。若是者，信反，不若廢太子，更立衛姬嬰兒

郊師。靖郭君泣而曰：不可。吾不忍也。若聽辨而為之，

必無今日之患也。此為一。相息亮反，下同。○過猶天也。豕多反。視，信當作倍字。

之誤也。呂子作倍，高誘曰：郊師，衛姬之子。至於薛，昭宣王庶弟，愚謂此為一言不聽辨之一也。

陽請以數倍之地易薛。辨又曰：必聽之。靖郭君曰：受

薛於先王，雖惡於後王，吾獨謂先王何乎？且先王之

廟在薛，吾豈可以先王之廟與楚乎？又不肯聽辨。此

為二。昭陽楚相也。先王，威王也。宣王太息，動於顏色，曰：靖郭君之

於寡人，一至此乎？寡人少殊，不知此。客肯為寡人來

靖郭君乎？齊貌辨對曰：敬諾。少詩照反，為于偽也。○動猶發也。靖郭

君衣威王之衣冠，舞其劍。宣王自迎靖郭君於郊，望

之而泣。君衣之衣於既反。○舞，劍說見秦策。言王望見其似父之容貌而泣。靖郭君至，

因請相之。靖郭君辭，不得已而受之。七日，謝病，強辭

不得，三日而聽。強其良反。○強猶固也。聽，王聽其辭也。當是時，靖郭君

可謂能自知人矣。能自知人，故人非之不為沮。此齊

貌辨之所以外生樂患，趣難者也。沮，慈呂反。樂，音洛。難，乃且反。○沮，止

也。外，猶棄也。生人之所欲而外之，患人之所憂而樂之，難人之所避而趣之，所以報知己也。此記者之辭。

後彫園藏

後彫園藏

考異

姚宏曰貌辨古今人表作昆辨師古曰齊人也靖郭君所善見戰國策而呂覽作劑貌辨元和姓纂昆夏諸侯昆吾氏之後齊有昆辨見戰國策坊本疵作疵高本御下無之字坊本威皆作宜宣皆作閔無王曰之王字無何乎之乎字高本強辭下有靖郭君辭四字

秦伐魏陳軫合三晉而東謂齊王曰古之王者之伐也欲以正天下而立功名以為後世也今齊楚燕趙韓梁六國之遞甚也不足以立功名適足以強秦而自弱也非山東之上計也為于偽反下為秦同○高誘曰軫時仕魏故合三晉而東也齊王宣王也遞更也關君長曰能危山東者言六國更伐之甚與古王者之伐不同強秦也不憂強秦而遞相罷弱而兩歸其國於秦此臣之所以為山東之患罷音疲○關君長曰六國更伐相與疲弱而彼此皆歸遺

其國於秦天下為秦相割秦曾不出刀天下為秦相烹秦

曾不出薪何秦之智而山東之愚耶願大王之察也

邪音耶○是以魚肉為喻古之五帝三王五霸之伐也伐不道者

今秦之伐天下不然必欲反之主必死辱民必死虜

言秦及古之伐欲肆虎狼之心以吞諸侯故諸侯主必死於辱民必死於虜今韓梁之目

未嘗乾而齊民獨不也非齊親而韓梁疏也齊遠秦

而韓梁近今齊將近矣乾音干不音否疏疎通○目不乾戰死者多而悲泣也秦

兼併韓梁則境界相接故曰將近矣今秦欲攻梁絳安邑秦得絳安邑

以東下河必表裏河而東攻齊舉齊屬之海南面而

孤楚韓梁北向而孤燕趙齊無所出其計矣願王熟

慮之。屬音燭。舉猶取，屬猶至也。取國至海，言今三

晉已合矣。復為兄弟約，而出銳師以戍梁絳安邑。此

萬世之計也。齊非急以銳師合三晉，必有後憂。復扶

約。今復為之，故曰復。三晉合，秦必不敢攻梁，必南攻

楚。楚秦構難，三晉怒齊不與已也，必東攻齊。此臣之

所謂齊必有大憂，不如急以兵合於三晉。難乃旦反，

曰：三晉怒齊不出師，合已乃間秦。楚構難，必以攻齊，所謂後憂是也。齊王敬諾，果以兵

合於三晉。穆文熙曰：為秦割烹數語，論事精切。

考異

諸本刀作力，今從纂坊本裏。

韓齊為與國，張儀以秦魏伐韓。吳師道曰：伐韓下有

以下文許韓使者知之。齊王曰：韓吾與國也，秦伐之，吾將救之。

田臣思曰：王之謀過矣，不如聽之。此下疑脫勿救二字，愚亦以文許

韓使者知之，聽即許也。言許救而不救。子噲與子之國，百姓不戴，諸侯

弗與。秦伐韓，楚趙必救之。是天以燕賜我也。子噲，燕

燕相也。關君長曰：秦楚三晉皆有事，則燕孤而無援，齊承間伐之，必大得志矣。是天賜齊。王曰：善。

乃許韓使者而遣之。使所吏反。言許救而還之。韓自以得交於

齊，遂與秦戰。楚趙果遽起兵而救韓，齊因起兵攻燕。

三十日而舉燕國。以猶以也。

考異

諸本天下有下字，今從劉本坊本遣作還。

張儀為秦連橫。為于偽反，下為大同。說齊王曰：天下

張儀為秦連橫。為于偽反，下為大同。說齊王曰：天下

張儀為秦連橫。為于偽反，下為大同。說齊王曰：天下

強國無過齊者。大臣父兄。殷眾富樂。無過齊者。然而為大王計者。皆為一時說。而不顧萬世之利。從人說。大王者。必謂齊西有強趙。南有韓魏。負海之國也。地廣人眾。兵強士勇。雖有百秦。將無奈我何。大王覽其說。而不察其至實。夫從人朋黨比周。莫不以從為可。

說齊之說始銳。反下說大同。樂音洛。從子容反。覽攬通。夫音扶。比毗。志反。○從人為合從者。謂蘇秦也。覽其說。謂為其說所引取也。儀說魏亦曰。臣聞之。齊與從人多奮辭云云。人主覽其辭。牽其說。

魯三戰而魯三勝。國以危。亾隨其後。雖有勝名。而有亾之實。是何故也。齊大而魯小。今趙之與秦也。猶齊之於魯也。秦趙戰於河漳之上。再戰而再勝秦。戰於

番吾之下。再戰而再勝秦。四戰之後。趙亾卒數十萬。

邯鄲僅存。雖有勝秦之名。而國破矣。是何故也。秦強

而趙弱也。番音蒲。數色主反。○與秦猶於秦也。林夢鶴曰。齊以趙為之障蔽。故舉而言之也。

今秦楚嫁子取婦。為昆弟之國。韓獻宜陽。魏效河外。

趙入朝。黽池割河間以事秦。大王不事秦。秦驅韓魏

攻齊之南地。悉趙涉河關。指博關。臨菑即墨。非王之

有也。國一日被攻。雖欲事秦。不可得也。是故願大王

熟計之。取七住反。朝直遙反。○禮昏姻為兄弟。齊王曰。齊僻陋隱居。託

於東海之上。未嘗聞社稷之長利。今大客幸而教之。

請奉社稷以事秦。獻魚鹽之地三百里於秦。大客謂張儀。

後周國策

考異

高本無說齊之說字博作搏諸本百下無里字今從曾本曾本章未有也字

張儀事秦惠王。惠王死，武王立。左右惡張儀，曰：「儀事

先王不忠，言未已，齊讓又至。」已畢也。讓責也。鮑彪曰：儀嘗曰：儀之所甚憎無

天齊王則儀齊所惡也而秦任之故齊以此責秦張儀聞之，謂武王曰：「儀有

愚計，願效之王。」王曰：「奈何？」曰：「為社稷計者，東方有大

變，然後王可以多割地。」為于偽反下同。言東方有攻戰，然後秦可以多割取諸

地侯今齊王甚憎張儀，儀之所在，必舉兵而伐之。故儀

願乞不肖身而之梁，齊必舉兵而伐之。齊梁之兵連

於城下，不能相去。王以其間伐韓，入三川，出兵函谷，

而無伐以臨周，祭器必出，挾天子，案圖籍，此王業也。

間古寬反，下同。王業之王于况反，下王業同。張字衍，連謂連結不解也。高誘曰：周、西周王城也。天子所

都，以兵臨之，祭器可出。司馬貞曰：凡王者大祭祀必陳設文物彝器，因謂祭器也。愚謂出謂出以賂秦也。

王曰：「善。」乃具革車三十乘，納之梁。齊果舉兵而伐之。

乘，繼證反，下同。革車，兵車也。納，儀於梁也。梁王大恐，張儀曰：「王勿患，請

令罷齊兵，乃使其舍人馮喜之楚，藉使之齊。齊楚之

事已畢，因謂齊王：「王甚憎張儀，雖然，厚矣。王之託儀

於秦王也。齊王曰：「寡人甚憎儀，儀之所在，必舉兵而

伐之，何以託儀也？」對曰：「是乃王之託儀也。儀之出秦，

因與秦王約曰：『為王計者，東方有大變，然後王可以

多割地。齊王甚憎儀，儀之所在，必舉兵而伐之。故儀

願乞不肖之身而之梁。齊必舉兵而伐梁。梁齊之兵連於城下不能去。王以其間伐韓。入三川。出兵函谷。而無伐以臨周。祭器必出。挾天子。案圖籍。是王業也。秦王以為然。與革車三十乘。而納儀於梁。而果伐之。是王內自罷而伐與國。廣鄰敵。以自臨而信儀於秦王也。此臣之所謂託儀也。恐丘勇反。令力呈反。藉使上在夜反。下所吏反。自罷之器音疲。藉使之齊。謂借楚使事之齊也。事即使事也。與國謂魏也。廣猶多也。以自疑當作外自信儀於秦王。謂使儀言信於秦王也。王曰善。乃止。止不伐梁也。

考異 坊本無聞之二字。舉兵下皆無而字。寡人甚憎下有張字。

犀首以梁與齊戰於承匡而不勝。犀首公孫衍也。張儀謂梁

王不用臣言以危國。言衍不用儀言也。梁王因相儀。儀以秦梁之齊合橫親。相息亮反。言儀以二國之重而之齊。結連橫之親也。犀首欲敗。謂衛君曰。衍非有怨於儀。值所以為國者不同耳。君必解衍。敗必邁反。○敗謂敗橫親之事也。值猶會也。為理也。解衍謂解說衍於張儀也。時儀過衛。然衛君為告儀。儀許諾。因與之參坐於衛君之前。犀首跪行為儀千秋之祝。明日張子行。犀首送之。至於齊疆。為告之為于偽反。祝之又反。○參坐三人並坐也。齊王聞之。怒於儀曰。衍也。吾讎而儀與之俱。是必與衍鬻吾國矣。遂不聽。衍嘗與齊戰。故曰吾讎。

考異 危國下梁王坊本作王一。字曾劉本作魏。王坊本與衍作與儀。一本末有也字。

楚王死太子在齊質質音致下同懷王為張儀所

而死于秦太子頃襄王也時質於齊蘇子謂薛公曰君何不留楚太子

以市其下東國薛公田文也東國國都之東居下流

然丹簡上國之兵使屈罷簡東國之兵疏云以水皆東流西方居上流故謂之上國西為上則東為下是

也蓋東國近齊薛公曰不可我留太子郢中立王然則是我

抱空質而行不義於天下也郢楚都也留太子蘇子

曰不然郢中立王君因謂其新王曰與我下東國吾

為王殺太子不然吾將與三國共立之然則下東國

必可得也為于偽反下除為之為交為武為讎餘皆同鮑彪曰齊嘗與秦韓魏敗楚三國謂

此蘇子之事可以請行可以令楚王亟入下東國可

以益割於楚可以忠太子而使楚益入地可以為楚

王走太子可以忠太子使之亟去可以惡蘇子於薛

公可以為蘇子請封於楚可以使人說薛公以善蘇

子可以使蘇子自解於薛公令力呈反說始銳反下

楚實有王齊留太子楚若立王則使其王然也蘇子之事以下至章末記者擬設之辭此乃舉其條目也

蘇子謂薛公曰臣聞謀泄者事無功計不決者名不

成今君留楚太子者以市下東國也非亟得下東國

者則楚之計變變則是君抱空質而負名於天下也

薛公曰善為之奈何對曰臣請為君之楚使亟入下

東國之地楚得成則君無敗矣薛公曰善因遣之故

曰。可以請行也。名謂不義之名也。楚得成。楚之謂楚。事得成也。言楚入地立太子也。

王曰。齊欲奉太子而立之。臣觀薛公之留太子者。以

市下東國也。今王不亟入下東國。則太子且倍王之

割。而使齊奉己。楚王曰。謹受命。因獻下東國。故曰。可

以使楚亟入地也。倍王之割。謂倍王之所割之地。謂薛公曰。楚之勢

可多割也。薛公曰。奈何。請告太子其故。使太子謁之。

君以忠太子。使楚王聞之。可以益入地。故曰。可以益

割於楚。謁請也。言告太子齊之所以留太子之故。使太子請割地以奉己。薛公以是忠太子也。

謂太子曰。齊奉太子而立之。楚王請割地以留太子。齊少其地。太子何不倍楚之割地。而資齊。齊必奉太

子。太子曰。善。倍楚之割而延齊。楚王聞之。恐。益割地

而獻之。尚恐事不成。故曰。可以使楚益入地也。之恐

丘勇反。資取也。謂取齊為己助也。延引也。謂引齊附己也。謂楚王曰。齊之所以

敢多割地者。挾太子也。今已得地。而求不止者。以太

子權王也。故臣能去太子。太子去。齊無辭。必不倍於

王也。王因馳強齊而為交。齊辭必聽王。然則是王去

讎。而得齊交也。楚王大說。曰。請以國因。故曰。可以為

楚王使太子亟去也。能去子去去讎之去。起呂反。倍音佩。說音悅。權稱也。謂稱王

割地之輕重也。無辭。謂無辭於多求地也。馳。謂太子亟往也。齊辭之辭。恐行。因猶依也。謂親齊也。謂太子

曰。夫割楚者。王也。以空名市者。太子也。齊未必信太

子之言也。而楚功見矣。楚交成。太子必危矣。太子其圖之。太子曰。謹受命。乃約車而暮去。故曰。可以使太

子急去也。夫音扶。下同。制多官反。見賢遍反。○張守節史記論字例曰。史漢制字作制。蓋音異。

義同。淮南子曰。人君掄策廟堂。制有司。太子身在外。而求割地以奉己。故曰。以空名市王制。楚入地。可信。故曰。楚功見。暮去。謂不待朝而急去也。蘇子使人請薛公曰。夫勸留太

子者。蘇子也。蘇子非誠以為君也。且以假楚也。蘇子恐君之知之。故多割楚以滅跡也。今勸太子去者。又

蘇子也。而君弗知也。臣竊為君疑之。薛公大怒於蘇子。故曰。可以使入惡蘇子於薛公也。請恐謂訛滅跡。謂沒使楚之跡。

又使人謂楚王曰。夫使薛公留太子者。蘇子也。奉王而代立楚太子者。又蘇子也。割地固約者。又蘇子也。

忠王而走太子者。又蘇子也。今人惡蘇子於薛公。以其為齊薄。而為楚厚也。願王之知之。楚王曰。謹受命。

因封蘇子為武貞君。故曰。可以使蘇子請封於楚也。代立疑倒置。楚字衍。謂下代太子立為王也。武貞。假以美名而言。非邑名也。又使景鯉請薛

公曰。君之所以重於天下者。以能得天下之士。而有齊權也。今蘇子。天下之辨士也。世與少有。君因不善

蘇子。則是圍塞天下士。而不利說途也。夫不善君者。且奉蘇子。而於君之事殆矣。今蘇子善於楚王。而君

不蚤親。則是身與楚為讎也。故君不如因而親之。賢

而重之。是君有楚也。薛公因善蘇子。故曰可以為蘇

子說薛公以善蘇子。塞先北反。○景鯉楚相也。此請

之因恐行利通也。謂不通說士之道因而之。因猶依

也。此下闕下可以。使蘇子自解於薛公一段。

考異

高本蘇子皆作蘇秦一本無使之字無使人二字高本無故曰可以請行也七字坊本

齊之所以下無取字一本為交下有於齊二字高本非知下無也字坊本固約作因約於薛公下有

齊王夫人死有七孺子者皆近。近附近之近○高誘

也。近幸薛公欲知王所欲立乃獻七珥美其一。明日視

美珥所在勸王立為夫人。珥瑱也高誘曰服美珥則

也。

考異

高本無者字孟嘗君將入秦止者千數而弗聽。數色主反○史記

求竟之故將入蘇代欲止之孟嘗君曰人事者吾已盡知之

矣吾所未聞者獨鬼事耳蘇代曰臣之來也固不敢

言人事也今且以鬼事見君孟嘗君見之。盡津忍反謂孟

嘗君曰今者臣來過於淄上有土偶人與桃梗相與

語桃梗謂土偶人曰子西岸之土也埏子以為人至

歲八月降雨下淄水至則汝殘矣土偶曰不然吾西

岸之土也土則復西岸耳今子東國之桃梗也刻削

我國東三岸

子以為久。降雨下。淄水至。流子而去。則子漂漂者。將

如何耳。過音戈。○淄水名。梗木梗也。用桃木造。故曰桃梗。趙策有土梗木梗。莊子亦有土梗。謂土

偶入土梗。既為土偶人。則木梗為木偶人。可知矣。挺和土也。書降水。孟子作泮水。曰洪水也。降。降通。降雨。大雨也。殘敗壞也。今秦四塞之國。譬若虎口。而君入

之。則臣不知君所出矣。孟嘗君乃止。塞先代反。○高誘曰。四面有山

關之固。故曰四塞之國也。

考異

諸本今且作固。且今從一本。坊本今下無者。字。諸本挺作挺。吳師道曰。藝文類聚及晁本作挺。今從之。一本土則之。土。作吾。殘二字。坊本若作如。

孟嘗君在薛。荆人攻之。淳于髡為齊使於荆。還反過薛。而孟嘗君令人禮貌而親郊迎之。謂淳于髡曰。荆

人攻薛。夫子弗憂。文無以復侍矣。淳于髡曰。敬聞命。

為于偽反。下同。使所吏反。過音戈。令力呈反。復扶又反。○禮貌。謂接之以禮容也。無以復侍。絕之之辭。楊慎曰。髡之使楚。文固望其解楚。至於齊。畢報。王曰。何

見於荆。對曰。荆甚固。而薛亦不量其力。王曰。何謂也。

對曰。薛不量其力。而為先王立清廟。荆固而攻之。清

廟必危。故曰。薛不量力。而荆亦甚固。畢報。謂以使事悉報。齊王固不

通也。清廟。有清明之德者之宮。楚固必不恤人廟。故必危。齊王和其顏色曰。謔。先

君之廟在焉。疾興兵救之。吳師道曰。謔。痛而呼之。言也。和其顏色。聽其言也。痛

而呼之。傷宗廟也。初不相礙。顛蹶之請。望拜之謁。雖得則薄矣。善

說者。陳其勢。言其方。人之急也。若自在隘窘之中。豈

用強力哉。說始銳及。顛瀾奔走而請救。言禮貌過恭也。雖得則薄。言雖得救。而救者之情意則薄矣。方方畧也。人指救者。急言應之疾也。隘險也。強力。謂顛瀾之請。望拜之謁。此記者之言。穆文熙曰。淳于髡其神於為說乎。不言本事。而人之言。從之。若擊馬兔而走。蘇張去矣。

考異

坊本過薛下無而字。高本無君令之君字。諸本禮作體。今從一本。坊本無親字。一本命下有矣字。坊本諸作嗜。

孟嘗君奉夏侯章。以四馬百人之食。遇之甚歡。夏侯章每言。未嘗不毀孟嘗君也。或以告孟嘗君。孟嘗君曰。文有以事夏侯公矣。勿言。夏戶雅反。下同。○毀。謗也。董之繁菁。以問夏侯公。夏侯公曰。孟嘗君重非諸侯也。而奉我

四馬百人之食。我無分寸之功。而得此。然吾毀之。以

為之也。高誘曰。欲以為。君所以得為長者。以吾毀之

也。吾以身為孟嘗君。豈得持言也。長丁丈反。為于偽反。○長者。寬容者。

之稱。高誘曰。以吾毀之。無憾言。故得為長者。關君長曰。持執持也。持言。謂不言也。言吾不顧身死。以報孟嘗君厚意。豈得持言不謗也哉。

考異

坊本未嘗之未作不毀。孟嘗君作毀之。一本長作賢。高本毀之。下有者字。坊本持作待。劉本作豈特言也哉。

孟嘗君讌坐。謂三先生曰。願聞先生有以補文之闕

者。讌坐。猶燕居也。高誘曰。先生。長老。先已。以生者也。一人曰。嘗天下之主有

侵君者。臣請以臣之血。湔其社。嘗。思也。趙策。嘗然使。趙王悟而知文也。湔。

也。汗灑田督曰：車軼之所能至，請掩足下之短。誦足下

之長。千乘之君，與萬乘之相，其欲有君也。如使而弗

及也。高誘曰：督讀鄭游取之。取，姚宏曰：督恐作督，春秋傳鄭游取字子明，或作督，乘繩證反。相息亮

及，○軼，轍也。關君長曰：有猶得，謂欲得君之交歡，疑如而字錯置，當作而使，如弗及也。如弗及，猶言如恐

將不勝。督曰：臣願以足下之府庫財物，收天下之士。

能為君決疑，應卒。若魏文侯之有田子方，段干木也。

此臣之所為君取矣。腎一作臂，並字書不載，鮑彪改作臂，為于偽反。卒，子律反。○高

誘曰：文侯交田子方，而敬段干木，愚謂言願孟嘗君以其府庫財物，收天下之士，才能如此者，其厚待之。

若魏文侯之有二子也。如此者，所為孟嘗取矣。

考異劉本無生有之有字，高本文作乏，坊本者下

有者字，坊本君萬間無與字，一本勝作滕

凡三十七章

戰國策正解卷四上 終

戰國策正解 卷四上

後影圖

Blank columns for text on the right page.

戰國策正解卷四下

橫田惟孝著

齊下

閔王下

凡十章

孟嘗君舍人。有與君之夫人相愛者。

鮑彪曰。夫人。姬媵之通稱。非其

配也。與下十妃同。

或以聞孟嘗君曰。為君舍人。而內與夫人

相愛。亦甚不義矣。君其殺之。君曰。睹貌而相說者。人

之情也。其錯之勿言也。

說音悅。錯七路反。錯置也。

居暮年。君名

愛夫人者。而謂之曰。子與文游久矣。大官未可得。小

官公又弗欲。衛君與文布衣交。請具車馬皮幣。願君

以此從衛君遊。關君長曰衛君不挾貴以為下交若布衣之歡高誘曰皮鹿皮弊束帛也

於衛甚重。言舍人甚重於衛也齊衛之交惡衛君甚欲約天下

之兵以攻齊。高誘曰惡不睦也是人謂衛君曰孟嘗君不知

臣不肖以臣欺君。鮑彪曰欺者己不肖而孟嘗言其賢也且臣聞齊衛

先君刑馬壓羊盟曰齊衛後世無相攻伐有相攻伐

者令其命如此。令力呈反○高誘曰殺馬羊啣其血以相盟誓也壓亦殺也今君

約天下之兵以攻齊是足下背先君盟約而欺孟嘗

君也願君勿以齊為心。背音佩○衛君與孟嘗君交厚而今攻齊此欺孟嘗君也

君聽臣則可不聽臣若臣不肖也臣輒以頸血滿足

下衿衛君乃止。不聽臣若疑當作若不聽臣言若不聽臣則臣不肖而不知所為輒以死

止之而已矣而齊人聞之曰孟嘗君可謂善為事矣轉禍為

功。高誘曰不殺其舍人是轉禍使齊不伐是為功

考異 諸本開作問今從曾本坊本後相變下有若字遊下有舍人遊三字無謂衛之衛字輒上

無臣字諸本可謂作可語今從劉本

孟嘗君有舍人而弗說欲逐之。說音悅魯連謂孟嘗君

曰猿獼猴錯木據水則不若魚鼈騏驥歷險乘危則

不如狐狸曹沫之奮三尺之劍一軍不能當使曹沫

釋其三尺之劍而操銚鐻與農人居壠畝之中則不

若農夫故物舍其所長之其所短堯亦有所不及矣

錯七路及操七刀反舍音捨○錯舍置也據居也曹沫魯人魯莊公與齊桓公會柯沫執匕首桓公歸

魯侵地，鑄秦策作，轉同，銚鑄皆芸苗器也。壠田，埒也。之其所短，猶於其所短也。今使人而不能，則謂之不肖。教人而不能，則謂之拙。拙則罷之，不肖則棄之。使人有棄逐，不相與處，而來害相報者，豈非世之立教首也哉？處昌呂反。○關君長曰：言使人來害我，以相報其怨，豈非為世之立不容人之教之首乎哉？孟嘗君曰：善。乃弗逐。

考異

諸本騏驥在危則下，今從一本坊本沫下無之字。

孟嘗君出行國至楚，獻象牀。

行下孟反。○孟嘗君兼相他國，故巡行其國也。

象牀，象齒為牀，楚以獻孟嘗君也。

郢之登徒直使送之，不欲行。

直音

皆同，使所吏反。○登徒，人姓名，宋玉好色賦序曰：大夫登徒子侍於襄王，高誘曰：直，當日直使也。登徒直使，不欲行。見孟嘗君門人公孫戍曰：臣郢之登徒也。

直送象牀，象牀之直千金，傷此若髮，漂賣妻子不足償之。足下能使僕無行，先人有寶劍，願得獻之。公孫

戍曰：諾。戍音恤，下同。○姚宏曰：別本漂作標，愚按漂

鑑作毫髮，可并考。蓋千金重器，雖小傷之，而補理之，直猶多也。入見孟嘗君曰：君豈

受楚象牀哉？孟嘗君曰：然。公孫戍曰：臣願君勿受。孟

嘗君曰：何哉？公孫戍曰：小國所以皆致相印於君者，

聞君於齊，能振達貧窮，有存亡繼絕之義。小國英傑

之士，皆以國事累君，誠說君之義，慕君之廉也。今君

到楚而受象牀，所未至之國，將何以待君？臣戍願君

勿受。孟嘗君曰：諾。相息亮反，說音悅。○吳師道曰：小

國疑當作大國，後語作五國，蓋首

句作出行五國也愚謂公孫戍趨而去未出至中閨

君召而返之曰子教文無受象牀甚善今何舉足之

高志之揚也公孫戍曰臣有大喜三重之寶劍一

用久○閨宮中之小門也足高志揚得意之狀重猶加也孟嘗君曰何謂也公孫

戍曰門下百數莫敢入諫臣獨入諫臣一喜諫而得

聽臣二喜諫而止君之過臣三喜輸象牀郢之登徒

不欲行許戍以先人之寶劍數色主反○輸亦送也孟嘗君曰

善受之乎公孫戍曰未敢曰急受之因書門版曰有

能揚文之名止文之過私得寶於外者疾入諫開君

使戍急受劍而書門版者欲不異後患也

考異

坊本無誠字

齊人有馮諼者貧乏不能自存使人屬孟嘗君願寄

食門下孟嘗君曰客何好曰客無好也曰客何能曰

客無能也孟嘗君笑而受之曰諾屬音燭好呼報反○寄託也寄食謂

不仕而食左右以君賤之也食以草具食音嗣下食之同○草菜也具鏤具

也列士傳孟嘗君廚有三列上客食肉中客食魚下客食菜此比食菜之客也薛應旂曰古人陳詞隱約

令人可思馮諼直云無好無能便非當時游士所及孟嘗君固已心識之矣賤之以試之也居有

頃倚柱彈其劍歌曰長鋏歸來乎食無魚左右以告

孟嘗君曰食之比門下之魚客鋏劍把也歸來猶歸去也魚客食魚之客

居有頃復彈其鋏歌曰長鋏歸來乎出無車左右皆

笑之以告。孟嘗君曰：為之駕。比門下之車客。復扶又

為于偽反，下為文為收為君同。○車客，乘車之客。於是乘其車，揭其劍，過其

友曰：孟嘗君客我。過音戈。○揭，擔也。客我，謂待我以客。後有頃，復彈其

劍，鉞歌曰：長鉞歸來乎。無以為家。左右皆惡之，以為

貪而不知足。孟嘗君問馮公有親乎。對曰：有老母。孟

嘗君使人給其食，用無使乏。於是馮諼不復歌。吳師道曰

吳氏韻補家叶工乎反，惡烏路反。○關君長曰：使給老母食用為奉養，使無匱乏。後孟嘗君

出記問門下諸客，誰習計會，能為文收責於薛者乎。

馮諼署曰：能。會古外反，責音債，下同。○記，疏也。習，計會，謂習計筭者。責，逋財也。署，書也。孟

嘗君恠之曰：此誰也。左右曰：乃歌夫長鉞歸來者也。

孟嘗君笑曰：客果有能也。吾負之，未嘗見也。夫音扶，孟嘗

固意其有能，故曰：請而見之。謝曰：文倦於事，憤於憂，果有能，負背也。

而性儻愚，沈於國家之事，開罪於先生，先生不羞，乃

有意欲為收責於薛乎。馮諼曰：願之。事，職事也。憤，心亂也。儻，弱也。沈，

沒溺也。開罪，謂始得罪。不羞，言不羞孟嘗不見。於是約車治裝，載券契而行。

辭曰：責畢收，以何市而反。孟嘗君曰：視吾家所寡有

者。券，契，以木牘為要約之書，以刀剖之，彼此各收一，責則合驗之。下文合券是也。驅而之薛。

使吏召諸民當償者，悉來合券。券徧合，起矯命以責

賜諸民，因燒其券。民稱萬歲。矯，託也。言合券畢，起立

也。孟嘗長驅到齊，晨而求見。孟嘗君恠其疾也，衣冠而

見之曰。責畢收乎。來何疾也。曰。收畢矣。長驅行不留也。以何

市而反。孟嘗問也。馮諼曰。君云。視吾家所寡有者。臣竊計

君宮中積珍寶。狗馬實外廐。美人充下陳。君家所寡

有者。以義耳。竊以為君市義。以義猶以義也。孟嘗君曰。市

義奈何。曰。今君有區區之薛。不拊愛子其民。因而賈

利之。臣竊矯君命。以責賜諸民。因燒其券。民稱萬歲。

乃臣所以為君市義也。孟嘗君不說。曰。諾。先生休矣。

賈音古。說音悅。○賈利之謂。後暮年。齊王謂孟嘗君

曰。寡人不敢以先王之臣為臣。吳師道曰。此遣其就國。而為之辭。猶漢世

所謂列侯亦無由教訓其民。孟嘗君就國於薛。未至百里。民扶老

攜幼迎君道中。孟嘗君顧謂馮諼先生所為文市義

者。乃今日見之。前日不說。今日頓解。馮諼曰。狡兔有三窟。僅得

免其死耳。今君有一窟。未得高枕而卧也。請為君復

鑿二窟。孟嘗君子車五十乘。金五百斤。予音與。乘繼證及。下皆同。

西遊於梁。謂惠王曰。齊放其大臣孟嘗君於諸侯。諸

侯先迎之者。富而兵強。於是梁王虛上位。以故相為

上將軍。遣使者黃金千斤。車百乘。往聘孟嘗君。馮諼

先馳。誡孟嘗君曰。千金重幣也。百乘顯使也。齊其聞

之矣。梁使三反。孟嘗君固辭不往也。齊王聞之。君臣

恐懼。遣太傅賚黃金千斤。文車二駟。服劍一封。書謝

孟嘗君曰寡人不祥被於宗廟之崇沈於諂諛之臣
開罪於君寡人不足為也願君顧先王之宗廟姑反

國統萬人乎相息亮反下同使所吏反恐立勇馮諼

誠孟嘗君曰願請先王之祭器立宗廟於薛自靖郭

立廟矣而今請廟成還報孟嘗君曰三窟已就君姑

高枕為樂矣樂音洛關君長曰按史齊王召孟嘗

者馮諼之計也數色主反孟嘗君為相數十年無纖介之禍

者馮諼之計也數色主反孟嘗君為相數十年無纖介之禍

考異坊本諫作煖史作離一本無其劍之其字諸

是諸本儻作憚今從纂坊本起作赴一本矯命作

下君字惠王作梁王諸侯下無

孟嘗君逐於齊而復反譚拾子迎之於境謂孟嘗君

曰君得無有所怨於齊士大夫孟嘗君曰有君滿意

殺之乎孟嘗君曰然譚拾子曰事有必至理有固然

君知之乎孟嘗君曰不知譚拾子曰事之必至者死

也理之固然者富貴則就之貧賤則去之此事之必

至理之固然者請以市諭市朝則滿夕則虛非朝愛

市而夕憎之也求存故往亡故去願君勿怨孟嘗君

乃取所怨五百牒削去之不敢以為言亡音無削去

牒札也書

戰國策正解 卷四下 後形同哉

考異

坊本謂孟嘗下無君字高本怨下無於字有必作必有

蘇秦自燕之齊見於華章南門見賢通反齊王曰

嘻子之來也秦使魏冉致帝子以為何如對曰王之

問臣也卒而患之所從生者微卒粹同○嘻痛而呼

也致帝謂致帝號於齊關君長曰卒急遽也蓋言王

之所問至大也急遽不察而患之所從生隱微難見

馬下文今不聽是恨秦也聽之是恨天下也違秦為

即下是也恨所謂患也

不如聽之以卒秦勿庸稱也以為天

下卒子律反為于偽反○卒秦言卒成秦之事為天

秦稱之天下聽之王亦稱之先後之事帝名為無傷

也秦稱之而天下不聽王因勿稱其於以收天下此

大資也無傷謂下雖稱有先後無害於帝大資謂從天下所欲收合之大資也

考異坊本秦作子華章作章華生作往史作來以卒作以為本無其字

蘇子謂齊王曰齊秦立為兩帝王以天下為尊秦乎

且尊齊乎王曰尊秦碣哲夫曰為尊之為字當在以下釋帝則天下

愛齊乎且愛秦乎王曰愛齊而憎秦兩帝立約伐趙

孰與伐宋之利也王曰不如伐宋亦蘇子問對曰夫而王對也

約與秦為帝而天下獨尊秦而輕齊齊釋帝則天下

愛齊而憎秦伐趙不如伐宋之利故臣願王明釋帝

以就天下倍約償秦勿使爭重而王以其間舉宋音夫

扶下同倍音佩償擯通間紀覓反○對字恐行言齊

釋帝以就天下所欲背秦約與天下俱擯秦則秦孤

後影

而不能與齊爭重矣以其夫有宋則衛之陽城危有

間隙可舉宋也舉猶取也准北則楚之東國危有濟西則趙之河東危有陰平

陸則梁門不啓濟子禮反○梁門大梁之門也故釋帝而貳之以伐

宋之事則國重而名尊燕楚以形服天下不敢不聽

此湯武之舉也貳猶知也言釋帝以就天下而加之

也敬秦以為名而後使天下憎之此所謂以卑易尊

者也願王之熟慮之也敬秦以為名以敬秦為名也言齊釋帝使秦獨稱之也以

卑易尊謂釋帝以自卑反為天下所尊也

考異 高本無王曰不如伐宋六字坊本作對曰伐宋利今從劉本諸本夫約下有然字今從一

本坊本形作刑

蘇子說齊閔王曰臣聞用兵而喜先天下者憂約結

而喜主怨者孤說始銳反喜許記反下喜先同○鮑

之又為之主眾所不與也故孤夫後起者藉也而遠怨者時也是以

聖人從事必藉於權而勢興於時夫音扶下同藉子

反○藉天下權力故不為之先應時會而興故人怨也夫權藉者萬物之率也

而時勢者百事之長也故無權藉倍時勢而能事成

者寡矣率所類反長丁丈反下長子少長同倍音佩

弟不侵率亦長也今雖于將莫邪非得人力則不能割劍矣

堅箭利金不得弦機之利則不能遠殺矣矢非不銛

而劍非不利也何則權藉不在焉莫鏌通邪音耶○干將莫邪良劍名

也。劓傷也。金鉞也。遠殺也。何以知其然也。昔者趙氏襲

衛。車舍人不休。傳衛國城割。平衛八門土。而二門墮

矣。此亡國之形也。傳直懸反。墮許規反。下同。○車舍

於車而不休。駟言趙軍急行。不須更止也。割壞也。平衛二字恐衍。土恐杜訛。謂門杜而不通也。衛君

跣行。告邲於魏。魏王身被甲底劍。挑趙索戰。邯鄲之

中驚。河山之間亂。邲。邲通。被皮寄反。底。砥通。挑。徒了

衛得是籍也。亦收餘甲。而北面殘剛平。墮中牟之郭。

衛非強於趙也。譬之。衛矢而魏弦機也。籍力於魏。而

有河東之地。趙氏懼。剛。平中牟。皆趙邑。楚人救趙而伐魏。戰

於州西。出於梁門。軍舍林中。馬飲於大河。飲。於鵠反。鮑彪曰。

州屬河內。宛有林鄉。趙得是籍也。亦襲魏之河北。燒棘蒲。隊黃

城。隊。隆通。下同。○棘蒲。黃城。皆魏邑。故剛平之殘也。中牟之墮也。黃

城之隊也。棘蒲之燒也。此皆非趙魏之欲也。然二國

勸行之者。何也。衛明於時。權之籍也。勸。力也。權。之籍。猶籍於權也。

今世之為國者。不然矣。兵弱而好敵。強國罷而好眾

怨。事敗而好鞠之。兵弱而憎下。地狹而好敵。大事

敗而好長詐。行此六者。而求霸則遠矣。好。呼報反。下。同。罷。音疲。下。

同。下。遐。嫁反。○鞠。窮也。長。益也。臣聞善為國者。順民之意。而料兵之

能。然後從於天下。故約不為人主怨。伐不為人挫。強

如此。則兵不費。權不輕。地可廣。欲可成也。為人之為。于偽反。下。

為韓同○從於天下從於天下之志也所謂從起也昔者齊之與韓魏伐楚也

戰非甚疾也分地又非多韓魏也然而天下獨歸咎

於齊者何也以其為韓魏主怨也非多韓魏言齊得地與二國等且

天下徧用兵矣齊燕戰而趙氏兼中山秦楚戰韓魏

不休而宋越專用其兵此十國者皆以相敵為意而

獨舉心於齊者何也約而好主怨伐而好挫強也君關

長曰疑越當作衛言宋衛無四國之虞故能得專用其兵且夫強大之禍常以王

人為意也夫弱小之殃常以謀人為利也是以大國

危小國滅也王疑當作上大國之計莫若後起而重伐不

義夫後起之藉與多而兵勁則是以眾強敵罷寡也

兵必立也事不塞天下之心則利必附矣大國行此

則名號不攘而至霸王不為而立矣重直用反塞先北反王于況反

下者王謀下霸王業則王王天同○重難也言不義雖可伐亦不可輕易後起之藉猶言藉於後起也

與謂與國兵必立謂兵權必立事猶勤也言以不塞天下歸往之心為勤也不主怨不挫強之類是也攘猶取也

小國之情莫如謹靜而寡信諸侯謹靜則四鄰

不反寡信諸侯則天下不賣外不賣內不反則穡積

朽腐而不用幣帛燬蠹而不服矣小國道此則不祠

而福矣不貸而見足矣積子賜反燬燬同○歸有光曰寡信諸侯言無輕信要約

也愚謂四鄰謂四境之內燬燬同燬燬同燬燬同燬燬同故曰祖仁者

王立義者霸用兵窮者亡何以知其然也昔吳王夫

戰國策正解 卷四下 十一 後影園藏

差以強大為天下先。襲郢而棲越。身從諸侯之君。而奪身死國亡。為天下戮者。何也。此夫差平居而謀王。

強大而喜先天下之禍也。○差初佳反。卒子律反。下同。祖猶本也。平居猶夷居也。謂不祖仁不立義。此強大之禍也。昔者萊莒好謀。陳蔡好詐。莒恃越。

而滅。蔡恃晉而亡。此皆內長詐。外信諸侯之殃也。○齊亡。

莒楚亡蔡。此弱小之禍也。由此觀之。則強弱大小之禍。可見於前。

事矣。○觀前事可見矣。語曰。騏驥之衰也。駑馬先之。孟賁之

倦也。女子勝之。夫駑馬女子筋骨力勁。非賢於騏驥。

孟賁也。何則。後起之藉也。○先西薦反。賁音奔。孟賁勇士也。今天下

之相與也。不並滅有。而案兵而後起。寄怨而誅不直。

微用兵而寄於義。則霸天下。可跼足而須也。○與如也。相如謂

相類也。孟子所謂地醜德齊。莫能相尚之意。不並滅有。謂彼此不並滅之。以有其地。而案之。而讀為如。若也。寄託也。寄怨託怨於人也。謂不主怨。微幾也。謂不卒暴也。跼不伸也。須待也。明於諸侯之

故。察於地形之理者。不約親。不相質。而固。不趨而疾。

眾事而不反。交割而不相憎。俱強而加以親。何則。形

同憂。而兵趨利也。○質音致。下同。不趨之趨音促。下相趨同。○質質子也。交割謂彼此割

地何以知其然也。昔者燕齊戰於桓之曲。燕不勝。十

萬之眾。盡。胡人襲燕。樓煩數縣。取其牛馬。夫胡之與

齊。非素親也。而用兵。又非約質。而謀燕也。然而甚於

相趨者。何也。何則。形同憂。而兵趨利也。○數色主反。下同。○桓山名

也何則二字因上文誤行由此觀之約於同形則利長後起則諸

侯可趨役也起者從天下之望故諸侯可使趨為我

也故明主察相誠欲以霸王為志則戰攻非所先戰

者國之殘也而都縣之費也殘費已先而能從諸侯

者寡矣相息亮及下同○周禮四甸為縣四縣為都彼戰者之為殘也士

聞戰則輸私財而富軍市輸飲食而待死士令折轅

而炊之殺牛而觴士則是路君之道也令力呈及○關君長曰者

字及士聞之士恐行疑市當作卒蓋言將帥之事也

路若荀子都邑路之路傾地貌蓋言將帥賣私恩而

傾中其君也愚謂中人禱祝君翳釀通都小縣置社有

市之邑莫不止事而奉王則此虛中之計也祝之又及○中

人禱祝在中者為行者祈也關君長曰翳釀當作祭

讓亦禱祝之事也左傳有祭祭山川星辰之神彼疏

賈逵以為祭擯用幣其祭臨時營其地立擯表也讓

者周禮女祝注云卻變異曰讓讓讓也社陰主刑殺

故臨時祭之止事而奉王謂下止其職事而夫戰之明

日死死扶傷雖若有功也軍出費中哭泣則傷主心

矣死者破家而葬夷傷者空財而共藥完者內酺而

華樂故其費與死傷者鈞故民之所費也十年之田

而不償也共音供樂音洛下之樂同鈞均同○屍死

也軍之所出矛戟折鏐弦絕傷弩破車罷馬亡失之

大半甲兵之具官之所私出也士大夫之所匿廝養

士之所竊十年之田而不償也鏐刀鏐也私疑給訛古者甲兵不藏私家

後周園苑

或時尚然，所斬薪者，養天下有此再費者，而能從諸

侯者寡矣。費者之攻城之費，百姓理謫蔽舉，衝櫓家

雜，總身屈穴，中罷於刀金，而士困於土功，將不釋甲。

暮數而能拔城者為亟耳。上倦於教，士斷於兵，故三

下城而能勝敵者寡矣。將子匠反，下同，斷音短。○謫

備渠謫藉車，汜論訓隆，衝以攻，渠謫以守，注云：謫，慙也。所以禦矢也。蔽亦楯之屬。呂子居於犀蔽屏櫓之

下荀子渠衝注云：渠大也。渠衝攻城之，大車也。櫓，高巢車也。家家人，雜總謂雜作總至也。屈掘通穿也。墨

子古人有善攻者，穴土而入，縛柱施火，以壞城中疑吏訛，刀錢也。謂罷於軍賦也。楚威王策：厚賦諸臣百

姓，新序魏文侯曰：今吾田地不加廣，士民不加衆，而錢十倍，必取之。士大夫也。可見當時諸吏有賦矣。是

吏所以疲困於刀金也。暮，暮月數。故曰：彼戰攻者非數月也。斷猶奔也。謂奔兵不用也。

所先也。何以知其然也？昔智伯瑤攻范中行氏，殺其

君，滅其國，又西圍晉陽，吞併二國，而憂一主。此用兵

之盛也。然而智伯卒，身死國亡，為天下笑者，何謂也？

兵先戰攻而滅二子之患也。行戶剛反。○一主謂昔

者中山悉起而迎燕趙，南戰於長子，敗趙氏，北戰於

中山，克燕軍，殺其將。夫中山千乘之國也，而敵萬乘

之國，二再戰比勝，此用兵之上節也。然而國遂亡，君

臣於齊者，何也不畜於戰攻之患也？由此觀之，則戰

攻之敗，可見於前事矣。敗趙之敗，必邁反。乘繩證反。比毗志反。下同。○節猶等也。

也。畜，各今世之所謂善用兵者，終戰比勝，而守不可拔。

天下稱為善。一國得而保之，則非國之利也。終當作窮，蓋以

同韻誤，下文可徵矣。言出戰則必勝，城守則不可拔也。一國得而保之，猶言為一國可得而保之也。臣

聞戰大勝者，其士多死，而兵益弱。守而不可拔者，其

百姓罷，而城郭露。夫士死於外，民殘於內，而城郭露

於境，則非王之樂也。城郭露外無居人，故暴露也。非王之樂，即上文所謂傷主心也。

今夫鵠的，非咎罪於人也。便弓引弩而射之，中者則

喜，不中則愧。少長貴賤，則同心於貫之者，何也？惡其

示人以難也。射食亦反，中丁仲反，少詩照反，惡烏路反。○摟皮曰鵠，侯之中，射之的也。咎疑

啓訛，啓罪謂始得罪，上章開罪於先生。今窮戰比勝，啓開同義，便疑當作擊，蓋音近而誤也。

而守必不拔，則是非徒示人以難也。又且害人者也。

然則天下仇之必矣。鵠的非害久，猶且夫罷士露國，惡之，况害人者乎。

而多與天下為仇，則明君不居也。素用強兵而弱之，

則察相不事。露國，即城郭也。素，空也。彼明君察相者，則五兵不

動，而諸侯從。辭讓而重賂至矣。故明君之攻戰也，甲

兵不出於軍，而敵國勝。衝櫓不施，而邊城降。士民不

知，而王業至矣。彼明君之從事也，用財少，曠日遠，而

為利長者，故曰：兵後起，則諸侯可趨役也。降戶江反，鮑彪曰：

五兵，刀劍矛戟矢。吳師道曰：此據淮南子注。今按諸說不一。周禮司右月令注：弓矢戈戟，司兵車注：

戈，戈戟夷矛酋矛，穀梁注：矛戟鉞弓矢，愚謂軍疑當作庫，或於軍二字衍。敵國勝，猶言勝敵國也。臣

之所聞攻戰之道，非師者，雖有百萬之軍，比之堂上。

後形圖載

雖有闔閭吳起之將。禽之戶內。千丈之城。拔之尊俎之間。百尺之衝。折之衽席之上。故鍾鼓竽瑟之音。不絕。地可廣。而欲可成。和樂倡優。侏儒之笑。不乏。諸侯可同日而致也。非師二字恐衍。比當作北。北。敗走也。章末同。衽。卧席也。倡優。倡樂也。侏儒。短小人也。故名配天地不為尊。利制海內不為厚。言如上。者。尊為天子。富有四海之內。故夫善為王者。業者。在勞自所宜有也。豈足為尊厚乎。故夫善為王者。業者。在勞天下而自佚。亂天下而自安。諸侯無成謀。則其國無宿憂也。何以知其然也。佚治在我。勞亂在天下。則王之道也。治直吏反。○諸侯無成謀。至其然也。十八字。恐因下文誤衍。銳兵來則拒之。患至則趨之。使諸侯無成謀。則其國無宿憂矣。趨往。

應之也。礪。磨也。夫曰。老子所謂吾不敢為主而為客也。宿留也。何以知其然也。昔者

魏王擁土千里。帶甲三十六萬。恃其強而拔邯鄲。西圍定陽。又從十二諸侯朝天子。以西謀秦。秦王恐之。寢不安席。食不甘味。令於境內。盡堞中為戰具。竟為守備。為死士置將。以待魏氏。從才用反。下除從天餘皆同。朝直遙反。下同。恐堞。城上女牆也。為死士。疑當作募死士。衛鞅謀於秦

王曰。夫魏氏其功大。而令行於天下。有十二諸侯而朝天子。其與必眾。故以一秦而敵大魏。恐不如。王何不使臣見魏王。則臣請必北魏矣。秦王許諾。北音佩。又如字。

○與。黨與也。北魏。言使魏敗走也。衛鞅見魏王曰。大王之功大矣。令

行於天下矣。今大王之所從十二諸侯，非宋衛也。則鄒魯陳蔡，此固大王之所以鞭箠使也。不足以王天下。大王不若北取燕，東伐齊，則趙必從矣。西取秦，南伐楚，則韓必從矣。大王有伐齊楚心，而從天下之志，則王業見矣。大王不如先行王服，然後圖齊楚。見矣

賢遍反。○取猶收也。合也。從天下之志，謂從諸侯欲伐齊楚之志。王服，王者服飾。魏王說於衛鞅之言也。故身廣公宮，制丹衣柱，建九旂，從七星之旗。此天子之位也。而魏王處之。說音悅。衣於既反。處昌呂反。○制丹衣柱，謂制為丹楹。錦繡衣柱，旂旌之末垂者。樂記曰：龍旂九旒，天子之旌也。鳥隼為旟，鳥集即朱雀。七星也。於是齊楚怒，諸侯奔齊。齊人伐魏，殺其太子，覆其

十萬之軍。魏王大恐，跣行按兵於國，而東次於齊。然後天下乃舍之。舍音捨。○奔齊，奔走援齊也。按止也。止兵不使從已，再宿為信，過信為次。當是時，秦王垂拱而受西河之外，而不以德魏王。拱，無所事。言無所事。故衛鞅之始與秦王計也，謀約不下席。言於尊俎之間，謀成於堂上。而魏將已禽於齊矣。衝櫓未施，而西河之外已入於秦矣。此臣之所謂比之堂上禽將戶內，拔城於尊俎之間，折衝席上者也。穆文熙曰：不主怨，不挫強，乃一篇主本，始終千餘言，皆不外此。有味乎其言之矣。又曰：此段談大國後起重伐，易知其云。

小國寡信，諸侯則天下不責，蓋微乎其微，非愚主之所悟也。

考異

一本無蘇子二字，八作入，坊本驚作驚，一本衛非下有有字，諸本藉力下無於字，今從曾

本諸本出梁間無於字今從一本高本蒲皆作溝
 下人下有也字曾本無今從之坊本伐楚間有秦
 字高本則是以象強敵作則事以象強適謹作僅
 下先下有強字曾本無今從之坊本骨力作力骨
 而案作能案則霸作則亡高本以霸王下有也字
 曾本折轅作折骸坊本止事作正事強作鉉亡失
 作亡矢官作宮高本無疾者之者字吞併作吞兼
 昔者作日者坊本屈作窟敵萬作攻萬一本的作
 約咎作振諸本則喜作則善今從劉本坊本無為
 利之為字一本無祗字及席下之之字坊本佚作
 逸一本來則至則之則皆作而趨之作移之坊本
 竟作競高本無拱下而字將已作將以外下無已
 字坊本城作
 賊一本本作幟

齊負郭之民有孤狐喧者正議閔王斲之檀衢百姓
 不附齊孫室子陳舉直言殺之東閭宗族離心司馬
 穰直為政者也殺之大臣不親離力智反○負郭近

子公孫家子猶宗室子以故燕舉兵使昌國君將而擊之齊使

向子將而應之齊軍破向子以輿一乘亡達子收餘

卒復振與燕戰求所以賞者閔王不肯與軍破走王

奔莒將子匠反向式亮反乘繩證反下同復扶又反

者謂賞功之物淖齒數之曰夫千乘博昌之間方數百里雨

血霑衣王知之乎王曰不知羸博之間地圻至泉王

知之乎王曰不知人有當闕而哭者求之則不得去

之則聞其聲王知之乎王曰不知淖齒曰天雨血霑

衣者天以告也地圻至泉者地以告也人有當闕而

哭者人以告也天地人皆以告矣而王不知戒焉何

戰國策正解 卷四下 後影圖藏

得無誅乎。於是殺閔王於鼓里。

數色主反。夫音扶。雨于付反。○淖齒楚人。

將兵救齊。因相閱王。

太子乃解衣免服。逃太史之家。為漑園。君

王后太史氏女。知其貴人。善事之。

為于偽反。○太子名法章。是為襄王。

田單以即墨之城。破亡餘卒。破燕兵。給騎劫。遂以復

齊。遽迎太子於莒。立之以為王。襄王即立君王后以

為后。生齊王建。

給欺也。騎劫。燕將代樂毅者。

考異

坊本喧作啗。族作室。無以與之以字。一本露作露。坊本焉作為。史氏間有后字。諸本即立

之立作位。今從一本。坊本位下有立字。

王孫賈年十五。事閔王。王出走。失王之處。其母曰。女朝出而晚來。則吾倚門而望。女暮出而不還。則吾倚

閭而望。

女音汝。下同。○門。家門。閭。里門也。言或近在家門。或遠在里門。而待其歸來。

女今

事王。王出走。女不知其處。女尚何歸。

鮑彪曰。責其親王不知我之親

王孫賈乃入市中。曰。淖齒亂齊國。殺閔王。欲與我

誅者。袒右。市人從者四百人。與之誅淖齒。刺而殺之。

刺七亦反。○稱閔王。追書之。辭袒露臂也。

考異

一本乃下。有反字。

襄王 凡六章

燕攻齊。取七十餘城。唯莒即墨未下。齊田單以即墨破燕。殺騎劫。初。燕將攻下聊城。人或讒之。燕將懼。誅遂保守聊城。不敢歸。田單攻之。歲餘。士卒多死。而聊

城不下。魯連乃為書約之矢，以射城中，遺燕將。

之下遐嫁反，將子匠反，下皆同，射食亦反，下同，遺唯季反。○約，纏束也。曰：吾聞之，智者

不倍時而棄利，勇士不怯死而滅名，忠臣不先身而

後君。今公行一朝之忿，不顧燕王之無臣，非忠也。殺

身亡聊城，而威不信於齊，非勇也。功廢名滅，後世無

稱，非智也。故智者不再計，勇士不再劫，今死生榮辱

尊卑貴賤，此其一時也。願公之詳計，而無與俗同也。

倍音佩，信音伸，下同。○行一朝之忿，謂忿讎。不敢歸，此其一時言八者得失，唯在此時也。且楚攻

南陽，魏攻平陸，齊無南面之心，以為亡南陽之害不

若得濟北之利，故定計而堅守之。濟子禮反，下同。○濟計利害，無南面

與楚魏爭之心，二地在齊都之南，故曰南面。濟北，即聊城也，守圍守也。今秦人下兵魏

不敢東面，橫秦之勢，合則楚國之形危。言今秦下兵救齊，則魏不

敢東面攻平陸，齊秦連橫之勢，合則楚國形勢危，亦不攻南陽。且棄南陽，斷右壤

存濟北，計必為之。今楚魏交退，燕救不至，齊無天下

之規，與聊城共據暮年之弊，即臣見公之不能得也。

齊必決之於聊城，公無再計。斷音短。○斷亦棄也。右壤謂平陸，計必為之，言

齊計利害必為之，規猶虞也，謂諸侯無謀齊者，據相持也，弊疲也，言以無虞之齊與無救聊城相持暮年

之弊，餘則不能得支持也。決於聊城，決意於攻聊城也。彼燕國大亂，君臣過計

上下迷惑，粟腹以十萬之衆，五折於外，萬乘之國，被

圍於趙，壤削主困，為天下戮，公聞之乎？今燕王方寒

心獨立大臣不足恃國弊既多民心無所歸

折食列反乘繩

證反○栗腹燕將

今公又以弊聊之民距全齊之兵暮年不

解是墨翟之守也食人炊骨士無反北之心是孫臏

吳起之兵也能已見於天下矣

解音蟹北音佩又如字下同見賢遍反下

不見同○墨子曰公輸般為雲梯將以攻宋墨子聞之見般以帶為城以牒為械般九設機變墨九距之

般之械盡墨之守固有餘故為公計者不如罷兵休士全車甲歸

報燕王燕王必喜士民見公如見父母交游攘臂而

議於世功業可明矣上輔孤主以制群臣下養百姓

以資說士矯國革俗於天下功名可立也

為于偽反說始銳反

○關君長曰於天下功名可立猶言可立功名於天下也意者亦指燕棄世東游

於齊乎請裂地定封富比陶衛世世稱孤寡與齊久

存此亦一計也

棄世謂不顧世義史記無請字此恐行王劭曰魏冉封陶商君姓衛富比

陶衛謂此二者顯名厚實也願公熟計而審處一也

○歸燕顯名也游齊厚實也且吾聞效小節者不能行大威惡小

耻者不能立榮名昔管仲射桓公中鈞篡也遺公子

糾而不能死怯也束縛桎梏辱身也此三行者鄉里

不通也世主不臣也使管仲終窮抑幽囚而不出慙

耻而不見窮年沒壽不免為辱人賤行矣然而管子

并三行之過據齊國之政一匡天下九合諸侯為五

霸首名高天下光照鄰國

惡鳥路反中丁仲反行下孟反并併同○鈞帶鈞也

捋足械，搥手械也。五霸桓公為盛，故曰首。曹沫為魯君將，三戰三北而喪

地千里。使曹子之足不離陳，計不顧後出，必死而不

生，則不免為敗軍禽將。曹子以敗軍禽將，非勇也。功

廢名滅，後世無稱，非智也。故去三北之耻，退而與魯

君計也。曹子以為遭齊桓公有天下，朝諸侯，曹子以

一劍之任，劫桓公於壇位之上，顏色不變，而辭氣不

恃。三戰之所喪，一朝而反之，天下震動，諸侯驚駭，威

信吳楚，傳名後世。喪息浪反，離力智反，陳陣同，去起

任音壬，○以敗之以猶以為也。遭遇也，傳名當作名傳。若此二公者，非不能行

小節，死小耻也，以為殺身絕世，功名不立，非智也。故

去忿恚之心，而成終身之名，除感忿之耻，而立累世

之功，故業與三王爭流，名與天壤相敵也。公其圖之。

累力委反，○名與天壤相敵，言天地不敵，名隨不滅。燕將曰：敬聞命矣。因罷兵

到積而去。到恐倒之訛，積讀通箭，箭也。故解齊國之圍，救

百姓之死，仲連之說也。記者之辭。

考異

姚宏曰：三同集無初，燕止讒之十一字，史記有坊本廢作發，諸本不再，切作不法，死今從

錢劉本：吳師道曰：一本云：晁本故智止再，切十一

字，作此三者世主不臣，說士不載，錢劉本能得作

能待高本十作百，能已作能以坊本公計下無者

一字，曾本無意者二字，坊本無稱孤之孤字，處下無

一字，然管間無而字，一本并作兼，曾本無也，曹子

三字，諸本動下無諸侯二字，今從一本坊本到積

作倒

燕攻齊。齊破。閔王奔莒。淖齒殺閔王。田單守即墨之

城。破燕兵。復齊墟。襄王為太子微。齊已破。燕田單之

立疑。齊國之眾皆以田單為自立也。墟，大丘也。齊墟，猶齊國。下章曰：燕興師而襲齊墟，是也。碣，哲夫曰：微，恐微字。齊國以下十二字，恐註文誤入。本文是也。太子始逃亡，隱於

太史家故曰：微，田單之立疑，恐當作疑。田單之立，蓋錯誤也。單功大，而太子微，故齊國之眾皆疑單為自立。

也。襄王立。田單相之。過留水。有老人涉菑而寒，出不

能行，坐於沙中。田單見其寒，欲使後車分衣，無可以

分者。單解裘而衣之。相息亮反。菑，淄同。而，衣之衣於既反。下同。襄王惡之。

曰：田單之施，將欲以取我國乎？不早圖之，恐後之。左

右顧無久。巖下有貫珠者，襄王呼而問之曰：女聞吾

言乎？對曰：聞之。王曰：女以為何若？對曰：王不如因以

為己善。惡，烏路反。施，始政反。後，胡豆反。女，音汝。巖，貫珠。下文亦有者字，不似姓名。蓋古有以貫珠作器裝為業者。王曰：奈何？曰：嘉單之

善。下令曰：寡人憂民之饑也。單收而食之。寡人憂民

之寒也。單解裘而衣之。寡人憂勞百姓，而單亦憂之。

稱寡人之意。單有是善，而王嘉之。善單之善，亦王之

善也。食音嗣，勞力報反。下同。稱，尺。證反。○所謂，因以為己善也。王曰：善。乃賜單牛

酒，喜其行。孟行反。後數日，貫珠者復見王，曰：王至朝日，

宜召田單而揖之於庭口，勞之。乃布令求百姓之饑

寒者，收穀之。數色主反。復扶又反。朝，直遙反。○穀亦食也。乃使人聽於閭

里聞丈夫之相與語。舉曰：田單之愛人，嗟乃王之教澤也。

考異

高本已作以，曾本蓄下有永字，姚宏曰：別本巖作聲，句絕無下字，諸本無日奈何日四字。

今從劉本，坊本善也。作善已語下無舉字。

紹勃常惡田單曰：安平君，小人也。

惡猶毀也。司馬貞曰：單始起安平，故

以為號

安平君聞之，故為酒而召紹勃曰：單何以得罪

於先生，故常見惡於朝。

朝直遙反。紹勃曰：單何以得罪於先生，故特也。

蹠而賤堯也。狗固吠非其主也。

蹠，盜也。且今使

公孫子賢而徐子不肖，然而使公孫子與徐子鬪，徐

子之狗猶將攫公孫子之腓而噬之也。

腓，足肚也。噬，齧也。

得去不肖者而為賢者，狗豈特攫其腓而噬之耳哉。

去起呂反，為于偽反。關君長曰：不肖，暗指幸臣賢者，指田單、狗為賢者，去不肖者，不特止於噬其腓也。

此狗是

安平君曰：敬聞命，明日任之於王。

任音壬。保任使仕

也。王有所幸臣，九人之屬，欲傷安平君，相與語於王

曰：燕之伐齊之時，楚王使將軍將萬人而佐齊，今國

已定而社稷已安矣，何不使使者謝於楚王？王曰：左

右孰可？九人之屬曰：紹勃可。

語魚據反，下同。將萬之將子匠反，使者之使所

數日不反，九人之屬相與語於王曰：夫一人之身而

牽留萬乘者，豈不以據勢也哉。

數色主反，夫音扶，乘

繼證反。關君長曰：

一人猶匹夫、牽留萬乘、猶為萬乘、所牽留、謂數日不反也、言楚待之厚矣、豈不以勃援據單之權勢也、

且安平君之與王也。君臣無禮。而上下無別。且其志欲為不善。內收百姓。循撫其心。振窮補不足。布德於

民。外懷戎翟。天下之賢士。陰結諸侯之雄俊豪英。其

志欲有為也。願王之察之。別彼列反。○與讀為於。不善。謂反畔。振窮。謂賑恤困

窮。異日而王曰。召相單來。田單免冠徒跣肉袒而進。

退而請死罪。五日而王曰。子無罪於寡人。子為子之

臣禮。吾為吾之王禮而已矣。相息亮反。下同。○名。賤之也。肉袒。露肢體。示欲

受刑也。貂勃從楚來。王賜諸前酒酣。王曰。召相田單而

來。吳師道曰。賜觴之訛。是也。醉醒相半曰。酬。貂勃避席稽首曰。王惡得此

亡國之言乎。王上者孰與周文王。王曰。吾不若也。貂

勃曰。然。臣固知王不若也。下者孰與齊桓公。王曰。吾

不若也。貂勃曰。然。臣固知王不若也。然則周文王得

呂望。以為太公。齊桓公得管夷吾。以為仲父。今王得

安平君。而獨曰單。且自天地之闢。民人之始。為人臣

之功者。誰有厚於安平君者哉。而王曰。單單。惡得此

亡國之言乎。且王不能守先王之社稷。燕人興師而

襲齊墟。王走而之城陽之山中。安平君以惴惴之即

墨。三里之城。五里之郭。敵卒七千。禽其司馬。而反千

里之齊。安平君之功也。當是時也。闔城陽而王。城陽

天下莫之能止。然而計之於道，歸之於義，以為不可。故為棧道木閣，而迎王與后於城陽山中。王乃得反。子臨百姓，今國已定，民已安矣。王乃曰：單單且嬰兒之計，不為此。王不亟殺此九子者，以謝安平君。不然，國危矣。稽遣禮反，惡音烏，陽而王之王于死反。○齊墟見上章。城陽，莒縣名。襄王從閔王走莒。端，憂懼也。司馬謂騎劫闔閉也。謂不通王而自王也。王下城陽二字，恐衍。棧道本閣，皆以通險也。不亟上疑脫何字。或不字衍。王乃殺九子，而逐其家，益封安平君，以夜邑萬戶。

考異

諸本見惡作見譽，今從曾本。高本猶將作猶時，諸本一人下無之字，今從一本。高本收作致，坊本太公下無齊字，諸本始作治，今從曾本。坊本先王作乎王。

田單將攻狄，往見魯仲子。仲子曰：將軍攻狄不能下也。田單曰：臣以五里之城，七里之郭，破亡餘卒，破萬乘之燕，復齊墟，攻狄而不下，何也？上車弗謝而去，遂攻狄。三月而不克之也。乘繩證反，上時掌反。○狄，北胡也。五里之城，七里之郭，謂小城也。即墨也。齊嬰兒謠曰：大冠若箕，脩劍拄頤，攻狄不能下。壘枯丘。丘叶祛其反。○大冠，武冠也。漢曰武弁，諸武官冠之。箕，簸器也。脩長拄支也。謂容飾之嚴，壘，軍壁也。說苑作壘於梧丘，此恐脫於字。枯梧字似而誤。梧地名。田單乃懼，問魯仲子曰：先生謂單不能下狄，請聞其說。魯仲子曰：將軍之在即墨，坐而織葦，立則杖插，為士卒倡曰：可往矣。宗廟亡矣，亡日尚矣。歸於何黨矣。當此之時，將軍

有死之心。而士卒無生之氣。聞若言。莫不揮泣奮臂。而欲戰。此所以破燕也。杖直亮反。挿鋪同。為干偽反。倡唱同。姚宏曰。古叶音往。尚

皆有平聲。黨亦當平讀。○黃草器。挿。刺土器。尚久也。何休注。公羊傳云。黨所也。齊人語言。可往戰矣。宗廟既亡矣。已可死亡之日久矣。去歸於何所矣。若如此也。當今將軍東有夜色之

奉。西有蓄上之虞。黃金橫帶。而馳乎淄澗之間。有生之樂。無死之心。所以不勝者也。奉。俸通。蓄。淄同。虞。娛同。樂音洛。○黃金橫

帶。未詳。關君長曰。豈謂黃金帶。田單曰。單有心。先生志之矣。志記也。言單之志。連能記憶之。明日乃厲氣循城。立於矢石

之所及。援枹鼓之。狄人乃下。下。遐嫁反。厲。勸同。○枹。擊鼓杖。

考異坊本脩作修。聞作問。高本可往作何往。一本作無。可往矣。亡日一本作去。且一本作今日。

無歸於之於字所及之及諸本作乃今從劉本孟嘗君為從。公孫弘謂孟嘗君曰。君不如使人先觀

秦王。意者秦王帝王之主也。君恐不得為臣。奚暇從以難之。意者秦王不肖之主也。君從以難之。未晚。孟

嘗君曰。善。願因請公往矣。公孫弘敬諾。以車十乘之。從。子容反。難。乃且反。下同。乘。繩證。昭王聞之。而欲

愧之以辭。公孫弘見昭王曰。薛公之地。大小幾何。公孫弘對曰。百里。昭王笑而曰。寡人地數千里。猶未敢

以有難也。今孟嘗君之地方百里。而因欲以難寡人。猶可哉。公孫弘對曰。孟嘗君好人。大王不好人。數色主反。

好呼報反下同○人賢人也言孟嘗好賢人所以百里足以難秦也秦反之昭王曰孟嘗

君之好人也奚如公孫弘曰義不臣乎天子不友乎

諸侯得志不慙為人主不得志不肯為人臣如此者

三人不慙為人主其德稱位也而治可為管商之師

說義聽行能致其主霸王如此者五人說音悅行下

萬乘之嚴主也辱其使者退而自刎必以其血沔其

衣如臣者十人使所吏反下同昭王笑而謝之

曰客胡為若此寡人直與客論耳寡人善孟嘗君欲

客之必諭寡人之志也公孫弘曰敬諾論曉也言欲

告孟公孫弘可謂不侵矣昭王大國也孟嘗千乘也

立千乘之義而不可陵可謂足使矣足猶能也此

考異劉本不如作何不坊本公往矣下更有公往

魯仲連謂孟嘗君曰君好士未也雍門子養亦亦

得子養飲食衣裘與之同之皆得其死好呼報反下

於二公而士未有為君盡游者也盡津忍反下同

君曰文不得是二人故也使文得

二人者豈獨不得盡二人椒對曰君之廐馬百乘無

以為君能待之盡君曰文不得是二人故也使文得

二人者豈獨不得盡二人椒對曰君之廐馬百乘無

二人者豈獨不得盡二人椒對曰君之廐馬百乘無

二人者豈獨不得盡二人椒對曰君之廐馬百乘無

二人者豈獨不得盡二人椒對曰君之廐馬百乘無

二人者豈獨不得盡二人椒對曰君之廐馬百乘無

二人者豈獨不得盡二人椒對曰君之廐馬百乘無

不被繡衣而食菽粟者。豈有騏驎耳哉。後宮十妃。皆衣縞紵。食梁肉。豈有毛罽西施哉。色與馬取於今之世。士何必待古哉。故曰。君之好士未也。被皮寄反。衣於既反。

縞。縞通。縞。縞之精者。紵。織紵為布也。梁。米之善者。

考異

坊本同。下無之字。高本無君盡之君字。及君曰二字。坊本人者之者作文。騏驎作麒麟。皆

下無衣字。

王建

凡六章。

秦破趙長平。齊楚救之。秦計曰。齊楚救趙。親則將退。兵不親則且遂攻之。親。謂二國與趙交親。趙無以食。請粟於齊。而齊不聽。無以食。謂無粟可以食。蘇子謂齊王曰。不如聽之以

却秦兵。不聽。則秦兵不却是秦之計中。而齊楚之計

過矣。中。丁仲反。○齊不聽。則秦計其不親。而且遂攻之。是秦之計中也。且趙之於齊

楚。隱蔽也。猶齒之有脣也。脣亡則齒寒。今日亡趙。則

明日及齊楚矣。高誘曰。隱蔽。蕃蔽。愚謂趙在秦與二國之間。故曰隱蔽。且夫救

趙之務。宜若奉漏甕沃焦釜。夫音符。下同。奉捧通。○喻救之急也。夫救

趙高義也。却秦兵顯名也。義救亡趙。威却強秦。兵不

務為此。而務愛粟。則為國計者過矣。為國之為子偽反。○愛猶惜也。

考異

坊本破作攻。一本無長平二字。高本楚作燕。下同。蘇子作蘇秦。史記作周子。一本無蔽也。

之也。字。高本無猶字。劉本無秦兵之兵字。

或謂齊王曰。周韓西有強秦。東有趙魏。秦伐周韓之

西趙魏不伐周韓為割。韓却周害也。及韓却周害之
後，趙魏亦不免與秦為患矣。為割之為于偽反。○不

言二國伐周韓為秦割取其地。下文所謂應秦而伐
周韓也。却疑刻字訛。謂周韓見刻害也。與讀如於言
二國不免於秦所伐也。今齊秦伐趙魏，則亦不果於趙魏之應

秦而伐周韓。今齊入於秦而伐趙魏。趙魏亡之後，秦
東面而伐齊。齊安得救天下乎。果疑異字訛。此策蓋
齊將應秦而伐趙魏

或為趙魏
說齊也

考異

坊本東有間有北字。高本周害之後，作周割。
無後字。坊本齊秦間有應字。諸本今齊入之
今作令。今從一本坊
本救天間有於字。

國子曰：秦破馬服君之師，圍邯鄲。齊魏亦佐秦伐邯

鄲。齊取淄鼠，魏取伊氏。

國子，齊大夫也。馬服君，趙括
也。秦將白起、阮括四十萬眾

於長平而進圍邯鄲。淄鼠，伊氏，皆趙邑也。公子無忌為天下循復計，殺晉

鄙，率魏兵以救邯鄲之圍。使秦弗有而失天下，是齊

入於魏而救邯鄲之功也。

為于偽反。○公子無忌，魏
信陵君也。循，便計。謂行便

宜之計。秦圍邯鄲，魏使晉鄙帥師救之。畏秦不敢進，
趙急平原君使責無忌，無忌乃竊晉鄙兵符以攝。取
其軍，晉鄙疑之，不肯授，乃殺晉鄙，取軍救趙。秦軍解
去，不有邯鄲，乃不能兼有天下。故曰失之也。齊初雖
佐秦，今應魏而救趙，故曰功也。安邑者，魏之柱國也。晉陽者，趙之柱

國也。鄆郢者，楚之柱國也。故三國與秦壤界，秦伐魏

取安邑，伐趙取晉陽，伐楚取鄆郢矣。覆三國之軍，兼

二周之地，舉韓氏取其地，且天下之半。

故固通。○柱
國，都也。國之

有都如室有柱壤土界境也言其地相接且將也

今又劫趙魏疏中國劫衛

之東野兼魏之河南絕趙之東陽則趙魏亦危矣趙

魏危則非齊之利也

疏分也言分離其交割也東野猶東地也趙魏齊之隱蔽也

故二國危則非齊之利也

韓魏趙楚之志恐秦兼天下而臣其君

故專兵一志以逆秦

拒謂

三國之與秦壤界而患急

齊不與秦壤界而患緩是以天下之勢不得不事齊

也故秦得齊則權重於中國趙魏楚得齊則足以敵

秦故秦楚趙魏得齊者重失齊者輕齊有此勢不能

以重於天下者何也其用者過也

用謂任用國事者此章言齊宜中合三

國而拒秦也

考異

高本氏作是覆作福軍作君劉本覆作逼坊本到作封南作內一本亦下有已字

齊王使使者問趙威后書未發威后問使者曰歲亦

無恙耶民亦無恙耶王亦無恙耶

使者之使所吏反下皆同威后惠

文后孝威太后也未發未發其封也林西仲曰書使中既但問太后安否若發則不便先問歲與民

者不說曰臣奉使使威后今不問王而先問歲與民

豈先賤而後尊貴者乎

說音悅林西仲曰言問安太后奉王之命而來在太后

亦止當問王不直先有多及也威后曰不然苟無歲何以有民苟無

民何以有君惡有舍問本而問末者耶

惡音烏舍音捨林西仲

曰以本末二字破彼貴賤之說乃進而問之曰齊有處士曰鍾離子

無恙耶是其為人也亦有糧者亦食無糧者亦食有衣

者亦衣。無衣者亦衣。是助王養其民者也。何以至今

不業也。處昌呂反。亦食之。食音嗣。亦衣之。衣於既反。養羊尚反。下同。○林西仲曰。欲更端別問。故

又進之。關君長曰。不問衣糧有無。而衣食於人。是亦養民也。鮑彪曰。不業。言不得在位。成其職業。葉

陽子無恙乎。是其為人。哀鰥寡。卹孤獨。振困窮。補不

足。是助王息其民者也。何以至今不業也。○葉舒涉反。林西仲

曰。民窮則死。息。生之也。北宮之女。嬰兒子無恙耶。徹其環瑱。至

老不嫁。以養父母。是其率民而出於孝情者也。胡為

至今不朝也。朝直遙反。下同。○北宮里名。關君長曰。環。環珮。瑱。充耳。泛言去其盛飾。出猶進

也。林西仲曰。以女人不嫁。養親。獨省去其為。人句。見其出於人事之外也。朝。奉朝命也。此二子

弗業。一女不朝。何以王齊國。子萬民乎。王于况反。於陵子

仲尚存乎。是其為人也。上不臣於王。下不治其家中

不索交諸侯。此率民而出於無用者。何為至今不殺

乎。索所白反。○林西仲曰。獨此言尚存。不以其存為幸也。

考異坊本歲何民何下無以字。惡有舍問。諸本作故有問舍。今從一本。坊本是其作是。皆纂何

為作何以

齊閔王之遇殺。其子法章變姓名。為莒太史家庸夫。

太史敷女竒。法章之狀貌。以為非常人。憐而常竊衣

食之。與私焉。莒中及齊亡。臣相聚。求閔王子。欲立之。

法章乃自言於莒。共立法章為襄王。庸備同。衣於既反。食音嗣。○自

言。自言其為太子也。襄疑齊字訛。不然。為上脫是字。襄王立。以太史氏女為王

後

后生子建太史敷曰女無媒而嫁者非吾種也汗吾世矣終身不覩君王后賢不以不覩之故失人子之禮也襄王卒子建立為齊王君王后事秦謹與諸侯信以故建立四十有餘年不受兵種章勇反卒子律反下同有音又秦昭王嘗遣使者遺君王后玉連環曰齊多智能解此環不君王后以示群臣群臣不知解君王后引椎椎破之謝秦使曰謹以解矣使所吏反遺唯李反及環不之不與否同及君王后病且卒誠建曰群臣之可用者某建曰請書之君王后曰善取筆牘受言君王后曰老婦已忘矣鮑彪曰蓋怒建之不心受託以病昏耳君王后死後后勝相齊多受秦

閒金玉使賓客入秦皆為變辭勸王朝秦不修改戰之備相息亮反間古竟反朝直遙反○變辭變詐之辭

考異

劉本敷作傲曾本與私間有之字劉本不觀君王后下更有君王后三字高本昭王作始

皇鮑彪改作昭王按蒙求亦作昭王今從之遣作使劉本而解作能解坊本引推作引雖諸本金玉

作金玉今從一本

齊王建入朝於秦雍門司馬前曰所為立王者為社稷耶為王立王耶王曰為社稷司馬曰為社稷立王王何以去社稷而入秦齊王還車而反朝直遙反除所為之為餘皆于偽反下為大為之同去起呂反還音旋即墨大夫聞雍門司馬諫而聽之則以為可以為謀即入見齊王曰齊地方數千

里帶甲數十萬。夫三晉大夫皆不復秦。而在阿鄆之間者百數。王收而與之十萬之衆。使收三晉之故地。卽臨晉之關。可以入矣。鄆郢大夫不欲爲秦。而在城南下者百數。王收而與之十萬之師。使收楚故地。卽武關。可以入矣。如此。則齊威可立。秦國可亡矣。舍南面之稱制。乃西面而事秦。爲大王不取也。齊王不聽。秦使陳馳誘齊王內之。約與五百里之地。齊王不聽。卽墨大夫而聽陳馳。遂入秦。處之共松栢之間。餓而死。

數色主反。夫三之夫音扶。舍音捨。○阿鄆齊地。臨晉武關皆秦關。城南齊城之南也。稱制謂主於天下也。秦使陳馳誘齊王內之。約與五百里之地。齊王不聽。卽墨大夫而聽陳馳。遂入秦。處之共松栢之間。餓而死。

內納同。處昌呂反。共音恭。下同。○松栢塞名也。荀子疆國篇據松栢之塞。注云。松栢之塞。謂趙樹松。

栢與秦爲界。今秦據有之。是也。先是齊爲之歌曰。松耶栢耶。住建共

者客耶。姚宏曰。栢古音捕。莫切。客古音恪。古音亦叶。

考異

今從一本。一本無則以爲謀。坊本作可爲謀。本十皆作百。可亡下無矣字。

凡二十二章

